

千金要方

卷八十四之九十三
平脉方 針灸



孫真人備急千金要方卷之八十四

隱二

宋朝奉郎守太常少卿充秘閣校理林億等校正

養性平脉方

平脉大法第一論七條

論曰夫脉者醫之大業也既不深究其道何以為醫者哉是以古之哲醫寤寐俯仰不與常人同域造次必於醫顛沛必於醫故能感於鬼神通於天地可以濟衆可以依憑若與常人混其波瀾則庶事隳壞使夫物類將何仰焉由是言之學者必當屏棄俗情疑心於此則和鵠之功因茲可得而致也

經曰診脉之法常以平旦陰氣未動陽氣未散飲食未進經脉未盛絡脉調均氣血未亂故乃可診有過之脉此脉經云過均脉

小丘山房

喬氏世定刻行

動靜而視精明察五色觀五臟有餘不足六腑彊弱形之盛衰
可以此參互訣生死之分也

又曰平脉者皆於平口勿食勿語消息體氣設有所作亦如食
頃師亦如之既定先診寸口初重指切骨定畢便漸舉指令指
不厚不薄與皮毛相得如三菽之重於輕重之間隨人彊弱肥
瘦以意消息進退舉按之宜稱其浮沉諸類應於四時五行與
人五臟相應不爾者以其輕重相薄尋狀論寒暑得失

凡人稟形氣有中適有躁靜各各不同氣脉潮動亦各隨其性
韻故一呼而脉再至一吸而脉再至呼吸定息之間復一至合
為五至此為平和中適者也春秋日夜正等無餘分時也其餘
日則其呼而脉至多吸而脉至少或吸而脉至多呼而脉至少

此則不同如冬夏日夜長短之異也凡氣脉呼吸法晝夜變通
倣四時然於呼吸定息應五至之限無有虧僻猶晷刻與四時
有長短而歲功日數無遺也若人有羸有壯其呼吸雖相壓遏
而晝夜息度隨其漏刻是謂呼吸象晝夜變通

夫診脉當以意先自消息壓取病人呼吸以自同而後察其脉
數計於定息之限五至者為平人若有盈縮尋狀論平源之所
宜也

問曰何謂三部脉答曰寸關尺也凡人修短不同其形各異有
尺寸分三關之法從肘腕中橫文至掌魚際後文却而十分之
而入取九分是為尺從魚際後文却還度取十分之一則是寸
寸十分之而入取九分之中則寸口也此處其骨自高故云陰

得尺內一寸陽得寸內九分從寸口入却行六分為關分從關分又入六分為尺分

又曰從魚際至高骨却行一寸其中名曰寸口從寸口至尺名曰尺澤故曰尺寸寸後尺前名曰關陽出陰入以關為界如天地人為三界寸主射上焦頭及皮毛音手上部關主射中焦腹及腰中部尺主射下焦小腹至足下部此為三部法象三才天地人頭腹足為三元也夫十二經皆有動脈獨取寸口以決五臟六腑死生吉凶之候者何謂也然寸口者脈之大會手太陰之動脈也人一呼脈行三寸一吸脈行三寸呼吸定息脈行六寸人一日一夜凡一萬三千五百息脈行五十度周於其身漏水下百刻榮衛行陽二十五度行陰亦二十五度為一周也晷時

下度而復會於手太陰太陰者寸口也即五臟六腑之所故法取於寸口人有三百六十脈法三百六十日也

診五臟脈輕重法第二

寸脈如三菽之重與皮毛相得者肺部金秋三月之氣

八菽之重與血脈相得者心部火夏三月之氣

六菽之重與肌肉相得者脾部土王四季季夏之氣

二菽之重與筋平者肝部木春三月之氣

至骨舉之來疾者腎部水冬三月之氣

俱浮何以別之然浮而大散者心也象火浮而短瀦者肺

金瀦

俱沉何以別之然牢而長者肝也如奔生

丘山房

喬氏世定刻行

一更舉指來實者腎也濡弱如水舉重勝船

中州故其脉在中是陰陽之脉也千金翼云遲緩而長者脾也

指下形狀第三

舉之有餘按之不足指下於沉脉舉之不足按之有餘

回脉細而遲往來難且散或一止復來短而止或如散

往來前却流利展轉替替然與數相似一日浮而短一日漉漉如欲脫

極大在指下一日浮而大細脉小大於微常有但細耳微脉極細

頓或欲絕若有若無一日薄一日小也一日手下快一日盛也弦脉舉之無

按之如張弓弦狀一日如張刀弦按之不為弦也緊脉數如切繩狀

脉去來促急一日數者進之名緩脉去來亦遲一日無常

浮大而頓陰與陽同著弱脉極軟而沉細按之欲絕指下一日按之即無動

脉見於關上無頭尾大如豆厥厥動搖伏脉極重指著骨乃得

一日關上一曰沈不出名曰伏一日手兩邊實無兩傍有軟脉極軟而浮細一日按之無有舉之有餘

濡虚脉遲大而軟按之不足隱指豁豁然空實脉大而長微彊

按之隱指幅幅然一日沈浮皆得促脉來去數時一止結脉往來緩特

一止復來脉結者生代脉來數中止不能自還因而復動脉代

者死散脉大而散散者氣實血虛有表無裏革脉有似沈伏實

大而長微弦千金翼以革為牢弦與緊相類軟與弱相類浮與芤相類

又曰浮與洪相類微與濡相類沈與伏相類緩與遲相類又曰軟與革

與實相類翼作牢與實相類滑與數相類

小丘山房

喬氏世定刻行

五臟脉所屬第四

心部在左手關前寸口亦名肝部在左手關上腎部在左手關

後尺中

肺部在右手關前寸口亦名脾部在右手關上腎部在右手關

後尺中脉法讚云

肝心出左 脾肺出右 腎與命門 俱出尺部

魂魄穀神 皆見寸口 左主司官 右主司府

左大順男 右大順女 關前一分 人命之主

左為人迎 右為氣口 神門決斷 兩在關後

人無二脉 病死不愈 諸經損減 各隨其部

三陰三陽一云按誰先誰後 陰病治官官藏

陽病治府府外 奇邪所舍 如何捕取

審而知之 針入病愈

脉有三部 陰陽相乘 榮衛氣血 而行人躬

呼吸出入 上下於中 因息遊布 津液流通

隨時動作 倣象形容 春弦秋浮 冬沈夏洪

察色觀脉 大小不同 一時之間 變無經常

尺寸參差 或短或長 上下乖錯 或存或亡

病輒改易 進退低昂 心迷意惑 動失紀綱

願為縷陳 令得分明師子之所問 道之根源

脉有三部 尺寸及關 榮衛流行 不失銜銓

腎沈心洪 肺浮肝弦 此自常經 不失銖分

出入升降 漏刻周旋 水下二刻 脉一周身

旋復寸口 虛實見焉 變化相乘 陰陽相干

風則浮虛 寒則緊弦 沈潜水畜 支飲急弦

動弦為痛 數洪熱煩 設有不應 知變所緣

三部不同 病各異端 太過可怪 不及亦然

邪不空見 終必有奸 審察表裏 三焦別分

知邪所舍 消息診看 料度腑臟 獨見若神

分別病形狀第五

脉數則在腑遲在臟脉長而弦病在肝脉經作出於肝脉小血少病在

心扁鵲云脉大而洪出於心脉下堅上虛病在脾胃脉滑一作而微浮病在

肺脉大而堅病在腎扁鵲云小而緊脉滑者多血少氣脉澀者少血多

氣脉大者血氣俱多又云脉來大而堅者血氣俱實脉小者血

氣俱少又云脉來細而微者血氣俱虛沈細滑疾者熱遲緊為

寒脉經云洪數滑疾為熱滯遲沈細為寒脉盛滑緊者病在外熱脉小實而緊者

病在內冷脉小弱而濇謂之久病脉滑浮而疾者謂之新病脉

浮滑其人外熱風走刺有飲難治脉沈而緊上焦有熱下寒得

冷即便下脉沈而細下焦有寒小便數時苦絞痛下利重脉浮

緊且滑直者外熱內冷不得大小便脉洪大緊急病速進在外

苦頭發熱癰腫脉細小緊急病速進在中寒為疝瘕積聚腹中

刺痛脉沈重而直前絕者病血在腸間脉沈重而中散者因寒

食成癥脉直前而中散絕者病消渴一云病浸淫瘡脉沈重前不至寸

口徘徊絕者病在肌肉遁尸脉左轉而沈重者氣微陽在胷中

脉右轉出不至寸口者內有肉癥脉累累如貫珠不前至有風寒在大腸伏留不去脉累累如止不至寸口軟者結熱在小腸膜中伏留不去脉直前左右彈者病在血脉中脉中脉血也脉後而左右彈者病在筋骨中也脉在大後小即頭痛目眩脉前小後大即胃滿短氣上部有脉下部無脉其人當吐不吐者死上部無脉下部有脉雖困無所苦夫脉者血之府也長則氣治短則氣病數則煩心大則病進上盛則氣高下盛則氣脹代則氣衰細太素細作滑則氣少瀦則心痛渾渾革革至如涌泉病進而危弊弊綽綽其去如弦絕者死短而急者病在上長而緩者病在下沈而弦急者病在內浮而洪大者病在外脉實者病在內脉虛者病在外在上為表在下為裏浮為在表沈為在裏滑為實為下

又為陽數為虛為熱浮為風為虛動為痛為驚沈為水為實又鬼弱為虛為悸遲則為寒瀦則少血緩則為虛洪則為氣一作緊則為寒弦數為瘧瘧脉自弦弦數多熱弦遲多寒微則為虛代散則死弦為痛痺一作浮偏弦為飲雙弦則脇下拘急而痛其人瀦瀦惡寒脉大寒熱在中伏者霍亂安卧脉盛謂之脫血凡亡汗肺中寒飲冷水欬下利胃中虛冷此等其脉並緊浮而大者風浮大者中風頭重鼻塞浮而緩皮膚不仁風寒入肌肉滑而浮散者攤緩風滑為鬼症澀而緊痺病浮洪大長者風眩顛疾大堅疾者癩病弦而鈎脅下如刀刺狀如蜚刀至困不死緊而急者遁尸洪大者傷寒熱病浮洪大者傷寒秋吉春成病浮而滑者宿食浮滑而疾者食不消脾不磨短疾而滑酒病

浮而細滑傷飲遲而濇中寒有癥結賦而緊積聚有擊痛弦急
 疝瘕小腹痛又為癖病一作疝病遲而滑者脹盛而急曰脹弦小者
 寒澀沈而弦者懸飲內痛弦數有寒飲冬夏難治緊而滑者吐
 逆小弱而濇胃反遲而緩者有寒微而緊者有寒沈而遲腹藏
 有冷病微弱者有寒少氣實緊胃中有寒苦不能食時時利者
 難治一作時時滑數心下結熱盛滑疾胃中有熱緩而滑曰熱
 中沈而急病傷暑暴發虛熱浮而絕者氣辟大而滑中有短氣
 浮短者其人肺傷諸氣微少不過一年死法當嗽也沈而數中
 水冬不治自愈短而數心痛心煩弦而緊脅痛臍傷有瘀血一作
 有寒有寒沈而滑為下重亦為有贅痛脈來細而滑按之能虛因急
 持直者僵仆從高墮下病在內微浮秋吉冬成病微數雖甚不

成病不可勞浮滑疾緊者以合百病久易愈陽邪來見浮洪陰
 邪來見沈細水穀來見堅實脈來乍大乍小乍長乍短者為崇
 脈來洪大嫻嫻者崇脈來沈沈澤澤四肢不仁而重土崇脈與
 肌肉相得久持之至者可下之弦小緊者可下之緊而數寒熱
 俱發必下乃愈弦遲者宜溫藥緊數者可發其汗

三關主對法第六

諸浮諸弦諸沈諸緊諸澀諸滑若在寸口膈以上病部頭若在關
 上胃以下病部腹若在尺中腎以下病部腰脚平寸口脈主對法寸
 口脈滑而遲不沈不浮不長不短為無病左右同法寸口太過
 與不及寸口之脈中手短者曰頭痛中手長者曰足脛痛中手
 促上擊者曰肩背痛寸口脈沈而堅者曰病在中寸口脈浮而

小丘山房

喬氏世定刻行

盛者曰病在外寸口脉沈而弱者曰寒熱及疝瘕小腹痛一作熱
又作中寸口脉沈而弱髮必墮落寸口脉沈而緊若心下有寒時
時痛有積邪寸口脉沈而滑者胃中有水氣面目腫有微熱為
風水寸口脉沈大而滑沈即為血實滑即為氣實血氣相搏入
臟即死入腑即愈寸口脉沈曾中短氣寸口脉沈而喘者寒熱
寸口脉浮而滑頭中痛寸口脉浮大按之反澀尺中亦微而澀
故知有滯氣宿食寸口脉弦而緊弦即衛氣不行衛氣不行即
惡寒水流走腸間寸口脉緊或浮膈上有寒肺下有水氣脉緊
上寸口者中風風頭痛亦如之謂其云亦為傷寒頭痛脉弦上寸口者宿食
降者頭痛寸口脉弦大婦人半生漏下男子亡血失精寸口脉
微而弱微即惡寒弱則發熱當發不發骨節疼煩當煩不煩與

極汗出寸口脉微而弱氣血俱虛男子吐血婦人下血嘔汗出
寸口脉動而弱動即為驚弱即為悸寸口脉緩而遲緩即為虛
遲即為寒虛寒相搏則欲溫食食冷即咽痛寸口脉遲而緩遲
則為寒緩即為氣寒氣相搏則絞而痛寸口脉遲而澀遲即為
寒澀為少血脉來過寸入魚際者遺尿脉出魚際逆氣喘息寸
口脉但實者心勞寸口脉漉漉如羹上肥陽氣微連連如蜘蛛
絲陰氣衰兩手前部陽絕者苦心下寒毒喙中熱寸口脉偏絕
則臂偏不遂其人兩手俱絕者不可治寸口脉來暫大暫小者
陰絡也苦陰風痺應時自發身洗洗也寸口脉來暫小暫大者
陽絡也苦皮膚病汗出惡寒下部不仁寸口脉浮中風發熱頭
痛宜服桂枝湯葛根湯針風池風府向火灸身摩治風膏覆令

小丘山房

金卷八十四

九

喬氏世定刻行

汗出寸口脉緊苦頭痛是傷寒宜服麻黃湯發汗針眉衝顛顛
摩傷寒膏寸口脉微苦寒為衄宜服五味子湯麻黃茱萸膏令
汗出寸口脉數即為吐以有熱在胃管重胃中宜服藥吐之及
針胃管服除熱湯若傷寒七八日至十日熱在中煩滿渴者宜
服知母湯寸口脉洪大胃脇滿宜服生姜湯白薇丸亦可紫菀
湯下之針上管期門章門寸口脉緩皮膚不仁風寒在肌肉宜
服防風湯以藥薄熨之佳灸諸治風穴寸口脉滑陽實胃中壅
滿吐逆宜服前胡湯針太陽巨闕寫之寸口脉弦心下幅幅微
頭痛心下有水氣宜服甘遂丸針期門寫之寸口脉弱陽氣虛
弱自汗出宜服茯苓湯內補散將適飲食消息勿極勞針胃管
補之寸口脉澀是胃氣不足宜服乾地黄湯自養調和飲食針

胃管

一作三里

補之寸口脉乳吐血微乳者衄血空虛去血故也宜

服竹皮湯黃土湯灸臍中寸口脉伏胃中逆氣噎塞是諸氣上

衝胃中宜服前胡湯大三建丸針巨闕寫寸口脉沈胃中引脅

痛胃中有水氣宜服澤漆湯針巨闕寫之寸口脉軟弱自汗出

是虛損病宜服乾地黄湯薯蕷丸內補散牡蠣散并粉針大衝

補之寸口脉遲上焦有寒心痛咽酸吐酸水宜服附子湯生薑

湯茱萸丸調和飲食以暖之寸口脉實即生熱在脾肺嘔逆氣

塞虛則生寒在脾胃食不消化熱即宜服竹葉湯葛根湯寒即

茱萸丸生薑湯寸口脉細發熱嘔吐宜服黃芩龍膽湯吐不止

宜服橘皮桔梗湯灸中府平關脉主對法關上脉浮而大風在

胃中張口有息心下澹澹食欲嘔關上脉微浮積熱在胃中嘔

吐蛇蟲心健忘關上脉滑而大小不均必吐逆是為病方欲來
不出一二日復欲發動其人欲多飲飲即注利如利止者生不
止者死關上脉緊而滑者蛇動關上脉弦而長翼作大有痛如刀
刺之狀在臍左右上下脉經云有積在臍左右上下關上脉澀而堅大而實
按之不減有力為中焦實有伏結在脾肺氣塞實熱在胃中關
上脉襜襜大而尺寸細者其人必心腹冷積癥瘕結聚欲熱飲
食關上脉時來時去乍大乍小乍踈乍數者胃中寒熱羸劣不
欲飲食如瘡狀關上脉浮腹滿不欲食浮為虛滿宜服平胃丸
茯苓湯生薑前胡湯針胃管先瀉後補之關上脉緊心下苦滿
痛脉緊為實宜服茱萸當歸湯又加大黃二兩佳脉經云又大黃湯兩治之
佳針巨闕下管瀉之關上脉微胃中冷心下拘急宜服附子湯

生薑湯附子丸針巨闕補之關上脉數胃中有客熱宜服知母

湯一作九除熱湯針巨闕上管瀉之關上脉緩不欲食此脾胃氣

不足宜服平胃丸補脾湯又針章門補之關上脉滑胃中有熱

滑為熱實氣滿故不欲食食即吐逆宜服朴硝麻黃湯平胃丸

一作宜服紫菀湯針胃管瀉之關上脉弦胃中有冷心下厥逆

脉弦胃氣虛宜服茱萸湯溫調飲食針胃管補之關上脉弱胃

氣虛胃中有客熱脉弱為虛熱作病且說云有熱不可大攻之

熱去即寒起正宜服竹葉湯針胃管補之關上脉細虛腹滿宜

服生薑湯茱萸蜀椒湯白薇丸針灸三管關上脉澀血氣逆冷

脉澀為血虛宜服乾地黄湯四補散針足大衝上補之關上脉

乾大便去血宜服生地黃并生竹皮湯灸膈輸若重下去血針

關元甚者服龍骨丸關元一作巨關關上脉伏有水氣澹泄宜服水銀

丸針關元利小便止澹泄便止關上脉洪胃中熱必煩滿宜服

平胃丸針胃管先瀉後補之關上脉沈心下有冷氣苦滿吞酸

宜服白薇丸茯苓丸附子湯針胃管補之關上脉軟苦虛冷脾

氣弱重下病宜服赤石脂湯女萎丸針關元補之關上脉遲胃

中寒宜服桂枝丸茱萸湯針胃管補之關上脉實胃中痛宜服

梔子湯茱萸烏頭丸針胃管補之關上脉牢脾胃氣塞盛熱即

腹滿嚮嚮宜服紫苑丸瀉脾丸針灸胃管瀉之平尺脉主對法

尺脉浮者客陽在下焦尺脉弱下焦冷無陽氣上熱衝頭面尺

脈弱寸彊胃絡脉傷尺脉偏滑疾面赤如醉外熱則病尺脉細

微澹泄下冷利素問云尺寒脉細謂之後泄尺脉虛小者足脛寒痿痺脚疼

尺脉澀下血不利多汗素問云尺澀脉滑謂之多汗尺脉沈而滑者寸白蟲

尺脉細而急者筋攣痺不能行尺脉大者熱在胛中小便赤痛

尺脉粗常熱者謂之熱中腰膝疼小便赤熱尺脉按之不絕婦

人血閉與關相應和滑者男子氣血實婦人即為妊娠尺脉來

而斷絕者男子小腹有滯氣婦人月水不利尺脉俱軟弱內慍

熱手足逆冷汗出尺脉俱沈關上無有者苦心下喘尺脉俱沈

關上若有苦寒心下痛陰中冷脚痺尺脉微少心力不欲言血

氣不足其人脚弱短氣尺脉俱數手足頭面有熱俱遲有寒手

足頭面有冷風尺脉浮下熱風小便難宜服瞿麥湯滑石散針

橫骨關元瀉之尺脉緊臍下痛宜服當歸湯灸天樞針關元補

之尺脉微厥逆小腹中拘急有寒氣宜服小建中湯針氣海尺

脉數惡寒臍下熱痛小便赤黃宜服鷄子湯白魚散針橫骨瀉之尺脉緩脚弱下腫一無此四字小便難有餘瀝宜服滑石湯瞿麥

散針橫骨瀉之尺脉滑血氣實經脉不利宜服朴硝煎大黃湯

下去經血針關元瀉之尺脉弦小腹疼小腹及脚中拘急宜服

建中湯當歸湯針氣海瀉之尺脉弱氣少發熱骨煩宜服前胡

湯乾地黄茯苓湯針關元補之尺脉澀足脛逆冷小便赤宜服

附子四逆湯針足大衝補之尺脉孔下焦虛小便去血宜服竹

皮生地黃湯灸丹田關元尺脉伏小腹痛癥疝水穀不化宜服

大平胃丸桔梗丸針關元補之尺脉沈腰背痛宜服腎氣丸針

京門補之尺脉軟脚不收風痺一無此五字小便難宜服瞿麥湯白

魚散針關元瀉之尺脉牢腹滿陰中急宜服葶藶子茱萸丸針

丹田關元中極大脉遲下焦有寒宜服桂枝丸針氣海關元瀉

之尺脉實小腹痛小便不禁宜服當歸湯加大黃一兩利大便

針關元補之

孫真人備急千金要方卷之八十四

小丘山房

金匱卷之二十四

三

喬氏世定刻行

孫真人備急千金要方卷之八十五

隱三

平脉方

五臟積聚第七

人病有積有聚有穀氣穀一作聚夫積者藏病終不移也聚者腑病發作有時展轉痛移為可治也穀氣者脇下牽痛按之則愈愈復發為穀氣夫病已愈不得復發令病復發即為穀氣也諸積大法脉來而細軟附骨者為即也寸口結積在胃中微出寸口積在喉中關上結積在臍傍微下關者積在小腹尺中結積在氣衝上關上積在心下脉出在左積在左脉出在右積在右脉兩出積在中央各以其部處之寸口沈而橫者脇下及腹中有橫積痛其脉弦腹中急痛腰背痛相引腹中有寒疝瘕

脈弦緊而細微者癥也夫寒痺癥瘕積聚之脈狀皆弦緊若在
心下即寸弦緊在胃管即關弦緊在臍下即尺弦緊一曰關脈
長弦有積在臍左右上下

又脈癥法左手脈橫癥在左右手脈橫癥在右脈頭大在上頭
小在下

又一法橫脈見左積在右見右積在左偏得洪實而滑亦為積
弦緊亦為積為寒痺為疝痛內有積不見脈難治見一脈相應
為易治諸不相應為不合治也左手脈大右手脈小上病在脇
左下病在左足右手脈大左手脈小上病在右脇下病在右足
脈弦而伏者腹中有癥不可轉也必死不治脈來細沈時直者
身有癰腫若腹中有伏梁脈來沈而虛者泄注也脈來小沈實

者胃中有積聚不可下食即吐

陰陽表裏虛實第八

弦為小陽緩為陽明洪為太陽三陽也微為少陰遲為厥陰沈
為太陰三陰也

脈有一陰一陽一陰二陽一陰三陽有一陽一陰一陽二陰二
陽三陰如此言之寸口有六脈俱動耶然經言如此者非有六
脈俱動也謂浮沈長短滑瀯也凡脈浮滑長者陽也沈瀯短者
陰也所以言一陰一陽者謂脈來沈而滑也一陰二陽者謂脈
來沈滑而長也一陰三陽者謂脈來浮滑而長時一沈也所以
言一陽一陰者謂脈來浮而瀯也一陽二陰者謂脈來長而沈
瀯也一陽三陰者謂脈來沈瀯而短時一浮也各以其經所在

言病之逆順也

脉有陽盛陰虛陰盛陽虛何謂也然浮之損小沈之實大故曰陰盛陽虛沈之損小浮之實大故曰陽盛陰虛是謂陰陽虛實之意也凡脉浮大數動長滑陽也沈瀦弱弦短微陰也陽病見陰脉者逆也主死陰病見陽脉者順也主生關前為陽關後為陰陽數即吐陰微即下陽弦則頭痛陰弦即腹痛以依陰陽察病也又尺脉為陰陰脉常沈而遲寸關為陽陽脉但浮而速有表無裏邪之所止得鬼病何謂表裏寸尺為表關為裏兩頭有脉關中絕不至也尺脉上不至關為陰絕寸脉下不至關為陽絕陰絕而陽微死不治呼為去屬腑吸為裏屬臟陽微不能呼陰微不能吸呼吸不足胃中短氣

弱反在關濡反在巔微在其上瀦反在下微即陽氣不足沾熱汗出瀦即無血厥而且寒諸腑脉為陽主熱諸臟脉為陰主寒陽微則汗陰浮自下脉經作陰微陽數口生瘡陰數加微必惡寒而煩擾不得眠陽乳吐血脉經作陽數則吐血陰乳下血脉經作陰瀦即下血無陽即厥無陰即嘔

寸口脉浮大而疾者名曰陽中之陽病苦煩滿身熱頭痛腹中熱寸口脉沈細者名曰陽中之陰病苦悲傷不樂惡聞人聲少氣時汗出陰氣不通不通一作併臂不能舉舉一作不舉尺脉沈細者名曰陰中之陰病苦兩脛酸疼不能久立陰氣衰小便餘瀝陰下濕癢

尺脉滑而浮大者名曰陰中之陽病苦小腹痛滿不能溺溺即

陰中痛大便亦然

尺脉牢而長關上無有此為陰干陽其人苦兩脛重小腹引腰痛

寸口壯大尺中無有此為陽干陰其人苦腰背痛陰傷足脛寒有人三虛三實者何謂也然有脉之虛實有病之虛實有診之虛實脉之虛實者脉來濡者為虛牢者為實也病之虛實者出者為虛入者為實言者為虛不言者為實緩者為虛急者為實也診之虛實者癢者為虛痛者為實外痛內快為外實內虛內痛外快為內實外虛故曰虛實也

問曰何謂虛實答曰邪氣盛則實精氣奪則虛何謂重實所謂重實者大熱病氣熱脉滿是謂重實也

脉盛皮熱腹脹前後不通急者為五實

脉細皮寒氣少泄痢注前後飲食不入為五虛也

何時得病第九

何以知人露卧得病陽中有陰也何以知人夏月得病諸陽入陰也何以知人春得病無肝脉也無心脉夏得病無肺脉秋得病無腎脉冬得病無脾脉四季之月得病

扁鵲華佗察聲色要訣第十

病人五臟已奪神明不守聲嘶者死病人循衣縫謔言者不可治病陰陽俱絕掣衣撥空妄言者死病人妄語錯亂及不能語者不治熱病者可治病人陰陽俱絕失音不能言者三日半死病人兩目皆有黃色起者其病方愈病人面黃目青者不死

青如草滋死病人面黃目赤者不死赤如衄血死病人面黃目
白者不死白如枯骨死病人面黃目黑者不死黑如炷死病人
面目俱等者不死病人面黑目青者不死病人面青目白者死
病人面赤目青者六日死病人面黃目青者九日必死是謂亂
經飲酒當風邪入胃經膽氣妄洩目則為青雖有天救不可復
生病人面赤目白者十日死憂患思慮心氣內索面色反好急
求棺槨病人面白目黑者死此謂榮華已去血脉空索病人面
黑目白者八日死腎氣內傷病因留積病人面青目黃者五日
死病人著林心痛短氣脾竭內傷百病復愈能起徬徨因坐於
地其立倚林能治此者可謂神良病人面無精光若土色不受
飲食者四日死病人目無精光及牙齒黑色者不治病人耳目

鼻口有黑色起入于口者必死病人耳目及觀頰赤者死在五
日中病人黑色出於額上髮際下有鼻脊兩觀上者亦死在五
日中病人及健人黑色若白色起入目及鼻口者死在三日中
病人及健人面忽如馬肝色望之如青近之如黑者死病人面
黑目直視惡風者死病人面黑唇青者死病人面青唇黑者死
病人面黑兩脇下滿不能自轉反者死病人目田回直視有息
者一日死病人陰結陽絕目精脫恍惚者死病人陰陽絕竭目
眶陷者死病人眉系傾者七日死病人口如魚口不能復閉而
氣出多不返者死病人口張者三日死病人唇青人中反者三
日死病人唇反人中滿者死病人唇口忽乾者不治病人唇腫
齒焦者死病人齒忽變黑者十三日死病人舌卷卵縮者必死

病人汗出不流舌卷黑者死病人髮直者十五日死病人髮如
乾麻善怒者死病人髮與眉衝起者死病人瓜甲青者死病人
瓜甲白者不治病人手足瓜甲下肉黑者八日死病人榮衛竭
絕面浮腫者死病人卒腫其面蒼黑者死病人手掌腫無文者
死病人臍腫反出者死病人陰囊莖俱腫者死病人脉絕口張
足腫者五日死病人足跌腫嘔吐頭重者死病人足跌上腫兩
膝大如斗者十日死病人卧遺屎不覺者死病人尸臭者不可
治肝病皮白肺之日庚辛死心病目黑腎之日壬癸死脾病唇
青肝之日甲乙死肺病頰赤目腫心之日丙丁死腎病面腫脣
黃脾之日戊己死青欲如蒼壁之澤不欲如藍赤欲如帛裏朱
不欲如赭白欲如鵝羽不欲如鹽黑欲如重漆不欲如炭黃欲
如羅裏雄黃不欲如黃土

診五臟六腑氣絕證候第十一

病人肝絕八日死何以知之面青但欲伏眠目視而不見人汗

一作出如水不止一日二日病人膽絕七日死何以知之眉為之

傾病人筋絕九日死何以知之手足瓜甲青呼罵不休一日八日

病人心絕一日死何以知之有息回視立死一日目亭病人腸

小腸絕六日死何以知之髮直如乾麻不得屈伸白汗不止病

人脾絕十二日死何以知之口冷足腫腹熱臙脹泄利不覺出

無時度一日五病人胃絕五日死何以知之脊痛腰中重不可

友覆平九日病人肉絕六日死何以知之耳乾舌皆腫溺血

大便赤泄九日病人肺絕三日死何以知之口張但氣出

而不還一日鼻口病人大腸絕不治何以知之泄利無度利絕則死病人腎絕四日死何以知之齒為暴枯面為正黑目中黃色腰中欲折白汗出如流水一日人中病人骨絕齒黃落十日死諸浮脉無根者皆死已上五臟六腑為根也

診四時相反脉第十二

春三月木旺肝脉治當先至心脉次之肺脉次之腎脉次之此為主相順脉也到六月土王脾脉當先至而反不至反得腎脉此為腎反脾也七十日死何謂腎反脾夏火王心脉當先至肺脉次之而反得腎脉是謂腎反脾期五月六月忌丙丁脾反肝三十日死何謂脾反肝春肝脉當先至而反不至脾脉先至是謂脾反肝期正月二月忌甲乙腎反肝三歲死何謂腎反肝春

肝脉當先至而反不至腎脉先至是謂腎反肝期七月八月忌庚辛腎反心二歲死何謂腎反心夏心脉當先至而反不至腎脉先至是謂腎反心期六月忌戊己此中不論肺金之氣踈略未論指南又推五行亦頗顛倒待求別錄上

凡療病察其形貌神氣色澤脉之盛衰病之新故乃可治之形氣相得色澤以浮脉從四時此為易治形氣相失色天不澤脉實堅甚脉逆四時此為難治

逆四時者春得肺脉夏得腎脉秋得心脉冬得脾脉其至皆懸絕澀者曰逆春夏沈澀秋冬浮大病熱脉靜泄痢脉大脫血脉實病在中脉堅實病在外脉不實名逆四時皆難療也凡四時脉皆以胃氣為本雖有四時王相之脉無胃氣者難療也何謂

胃脉來弱以滑者是也命曰易治

診脉動止投數踈數死期年月第十三

脉一動一止二日死一經云一日死脉二動一止三日死脉三動一止四日死或五日死脉四動一止六日死脉五動一止七日死或五日死脉六動一止八日死脉七動一止九日死脉八動一止十日死脉九動一止九日死又云十一日死一經云十三日死若立春死脉十動一止立春死一經云立夏死脉十一動一止立夏死一經云夏至死又云立秋死脉十二動十三動一止立秋死一經云立冬死脉十四動十五動一止立冬死一經云立夏死脉二十動一止一歲死若立秋死脉二十一動一止二歲死脉二十五動一止二歲死一經云一歲死又云立冬

死脉三十動一止二歲死若三歲死脉三十五動一止三歲死脉四十動一止四歲死脉五十動一止五歲死不滿五十動一止五歲死五行氣畢陰陽數同榮衛出入經脉通流晝夜百刻五德相生脉來五十投而不止者五臟皆受氣即無病也脉來四十投而一止者一臟無氣却後四歲春草生而死脉來三十投而一止者二臟無氣却後三歲麥熟而死脉來二十投而一止者三臟無氣却後二歲桑椹赤而死脉來十投而一止者四臟無氣歲中死得節不動出清明死遠不出穀雨死矣脉來五動而一止者五臟無氣却後五日而死脉一來而久住者宿病在心主中治脉二來而久住者病在肝枝中治脉來三而久住者病在脾下中治脉四來而久住者病在腎間中治脉五來而

久住者病在肺枝中治五脉病虛羸人得此者死所以然者藥不得而治針不得而及盛人可治氣全故也

孫真人備急千金要方卷之八十五

孫真人備急千金要方卷之八十六

隱四

宋朝奉郎守太常少卿充秘閣校理林億等校正

平脉方

扁鵲診諸反逆死脉要訣第十四

扁鵲曰夫相死脉之氣如群鳥之聚一馬之馭系水交馳之狀如懸石之落出筋之上藏筋之下堅關之裏不在榮衛伺候交射不可知也

脉病人不病脉來如屋漏雀啄者死

屋漏者其來既絕而止時時復起而不相連屬也雀啄者脉來其數而又經言得病七八日脉如屋漏雀啄者死

疾絕止復頰來也脉來如彈石去如解索者死

彈石者辟辟急也解索者動數而隨散亂無復次緒也脉困病人脉如蝦之游如魚之翔者死

小丘山房

喬氏世定刻行

乃復起起輒遲而沒去速者是也魚翔者似魚不行而但拌尾動頭身搖而久住者是也脉如懸薄卷索者死脉如轉豆者死脉如偃刀者死脉涌涌不去者死脉忽去忽來暫止復來者死脉中侈者死脉分絕者死上下分脉有表無裏者死經名曰結去即死何謂結脉在指下如麻子動搖屬腎名曰結去死近也

脉五來不復增減者死經名曰代何謂代脉五來一止也脉七來是人一一息半時不復增減亦名曰代正死不疑經言病或有死或有不治自愈或有連年月而不已其死生存亡可切脉而知之耶然可具知也設病者若閉目不欲見人者脉當得肝脉弦急而長而反得肺脉浮短而瀦者死病若開目而渴心下牢者脉當得緊實而數反得沈滑而微者死病若吐血復執血

者脉當得沈細而反得浮大牢者死病若謔言妄語身當有熱脉當洪大而反得手足四逆脉反沈細微者死病若大噎而泄脉當微細而澀反得緊大而滑者死此之謂也經言形脉與病相反者死柰何然病若頭痛目痛脉反短瀦者死病若腹痛脉反浮大而長者死病若腹滿而喘脉反滑利而沈者死病若四肢厥逆脉反浮大而短者死病若耳聾脉反浮大而瀦者死針翼云脉大者生沈遲細者難治病若目眦眦脉反大而緩者死左有病而右痛右有病而左痛下有病而上痛上有病而下痛此為逆逆者死不可治脉來沈之絕濡浮之不止推手者半月死一作脉來微細而絕者人病當死人病脉不病者生脉病人不病者死人病尸厥呼之不應脉絕者死脉當大反小者死肥人脉細小如絲

欲絕者死羸人得躁脉者死人身澀而脉來往滑者死人身滑而脉來往澀者死人身小而脉來往大者死人身大而脉來往小者死人身短而脉來往長者死人身長而脉來往短者死尺脉上應寸口大遲者半日死脉經云尺脉不應寸時如馳半日死診五臟六腑十二經脉皆有相反有一反逆即為死候也

診百病死生要訣第十五

凡診脉當視其人大小長短及性氣緩急脉之遲速大小長短皆如其人形性者吉反之者凶

診傷寒熱盛脉浮大者生沈小者死傷寒已得汗脉沈小者生浮大者死

濕病三四日以下不得汗脉大疾者生脉細小難得者死者治

溫病時行大熱其脉細小者死脉經時行作穰穰

溫病下利腹中痛甚者死不治溫病汗不出出不至足者死厥

逆汗出脉堅彊急者生虛緩者死

熱病二三日身體熱腹滿頭痛食飲如故脉直而疾者八日死

四五日頭痛腹痛而吐脉來細彊十二日死八九日頭不疼身

不痛目不赤色不變而反利脉來牒牒按之不彈手時大心下

堅十七日死

熱病七八日脉不輒一作不數散一作數者當瘖瘖後三日若汗不

出者死

熱病七八日其脉微細小便不利加暴口燥脉代舌焦枯黑者死

熱病未得汗脉盛躁疾得汗者生不得汗者難瘥熱病已得汗
脉靜安者生脉躁者難治熱病脉躁盛而不得汗者此陽之極
也十死不治熱病已得汗脉常躁盛陰氣之極也亦死大素作
熱病已得汗常大熱不去者亦死大一作專熱病已得汗熱未去脉
微躁者慎不得刺治也熱病發熱甚者其脉陰陽皆竭慎勿刺
不汗出必下利診人被風不仁痿廢其脉虛者生巢源云虛堅
急疾者死診癩病虛則可治實則死癩疾脉實堅者生脉沈細
小者死癩疾脉搏大滑者久久自已其脉沈小急實不可治小
堅急亦不可療診頭痛目痛久視無所見者死久視一作卒視診人心
腹積聚其脉堅彊急者生虛弱者死又實彊者生沈者死其脉
大腹大脹四肢逆冷其人脉形長者死腹脹滿便血脉大時絕

極下血脉小疾者死心腹痛痛不得息脉細遲者生堅大疾者
死腸澀便血身熱則死寒則生腸澀下白沫脉沈則生浮則死
腸澀下膿血脉懸絕則死滑大則生腸澀之屬身熱脉不懸絕
滑大者生懸瀋者死以藏期之腸澀下膿血脉沈小流連者生
數疾且大有熱者死腸澀筋攣其脉小細安靜者生浮大緊者
死洞洩食不化下膿血脉微小者生緊急者死洩注脉緩時小
結者生浮大數者死蠱蝕陰淫其脉虛小者生緊急者死欬
脉沈緊者死浮直者生浮軟者生小沈伏匿者死欬羸瘦脉
形堅大者死欬脫形發熱脉小緊急者死肌瘦下脫形熱不去
者死欬而嘔腹脹且洩其脉弦急欲絕者死吐血衄血脉滑小
弱者生實大者死汗出若衄其脉小滑者生大躁者死唾血脉

緊彊者死滑者生吐血而欬上氣其脉數有熱不得卧者死傷
寒家欬而上氣其脉數散者死謂其人形損故也上氣脉數者
死謂其形損故也上氣喘息低昂其脉滑手足温者生脉澀四
肢寒者死上氣面浮腫肩息其脉大不可治加利必死一作上
氣注液其脉虛寧寧伏匿者生堅彊者死寒氣上攻脉實而順
滑者生實而逆澀則死太素云寒氣暴上脉滿實何如日實而
舉垂盡滿者脉急大堅尺滿而不應如是者順則生逆則死何
謂順則生逆則死日所謂順者手足温也所謂逆者手足寒也
消渴其脉數大者生細小浮短者死疝瘕脉實大病久可治脉
懸小堅急病久不可治消渴脉沈小者生實堅大者死水病脉
洪大者可治微細者不可治水病脹閉其脉浮大軟者生沈細
虛小者死水病腹大如鼓脉實者生虛者死卒中惡吐血數升

脉沈數細者死浮大疾快者生卒中惡腹大四肢滿脉大而緩
者生緊而浮者死緊細而微者亦生病瘡腰脊彊急瘕瘕者皆
不可治寒熱瘕瘕其脉代絕者死金瘡血出大多其脉虛細者
生數實大者死金瘡出血脉沈小者生浮大者死斫瘡出血一
二石脉來大二十日死斫刺俱有病多少血出不自止斷者脉
止脉來大者七日死從高頰仆内有血腹脹滿其脉堅彊者生
小弱者死人為百藥所中傷脉微細者死洪大而速者生脉經
遲人病甚而脉不調者難瘥人病甚而脉洪易瘥人陰陽俱結
者見其上齒如熟小豆其脉躁者死結一人內外俱虛身體冷
而汗出微嘔而煩擾手足厥逆體不得安靜者死脉實滿手足
寒頭熱春秋生冬夏死老人脉微陽羸陰彊者生脉焮大加息

者死陰弱陽彊脈至而代奇月而死尺脈瀦而堅為血實氣虛也其發病腹痛逆滿氣上行此為婦人胞中絕傷有惡血久成結瘕得病以冬時黍稷赤而死

尺脈細而微者血氣俱不足細而來有力者是穀氣不足病得節輒動棗葉生而死此病秋時得之

左手寸口脈偏動乍大乍小不齊從寸口至關關至尺三部之位處處動搖各異不同其人病仲夏得之此脈桃花落而死一作葉

右手寸口脈偏沈伏乍小乍大朝來浮大暮夜沈伏浮大即太過上出魚際沈伏即下不至關中往來無常時時復來者榆葉

枯落而死一作葉

右手尺部脈三十動一止有項更還二十動一止乍動乍踈不與息數相應其人雖食穀猶不愈藝草生而死

左手尺部脈四十動而一止止而復來來逆如循直木如循張弓弦絀絀然如兩人共引一索至立春而死脈經作至立冬死

診三部脈虛實訣死生第十六

凡三部脈大都欲等只如小人細人婦人脈小軟小兒四五歲

者脈呼吸八至細數吉千金翼云人大而脈細細而脈大人

緩而躁人壯而脈細人羸而脈大此皆為逆逆則難治反此為順順則易治凡婦人脈常欲濡弱於丈夫小兒四五歲者脈自訣疾呼吸八至也

三部脈或至或不至冷氣在胃中故令脈不通三部脈虛其人長病得之死虛而瀦長病亦死虛而滑亦死虛而緩亦死虛而

弦急癩病亦死三部脉實而長長病得之死實而滑長病得之
生卒病得之死實而緩亦生實而緊亦生實而緊急癩病可治
三部脉彊非稱其人病便死三部脉羸非其人得之死三部脉
粗長病得之死卒病得之生三部脉細而軟長病得之生細而
數亦生微而緊亦生三部脉微而伏長病得之死三部脉軟長
病得之不治自愈治之死卒病得之生三部脉浮而結長病得
之死浮而滑長病亦死三部脉浮而數長病風得之生卒病得
之死三部脉芤長病得之生三部脉弦而數長病得之生卒病
得之死三部脉革長病得之生卒病得之生三部脉堅而數如
銀釵股蠱毒病必死數而軟蠱毒病得之生三部脉漉漉如羹
上肥長病得之死卒病得之生三部脉連連如蜘蛛絲長病得

之死卒病得之生三部脉如霹靂長病得之死三部脉如角弓
長病得之死三部脉累累如貫珠長病得之死三部脉如水淹
然流長病不治自愈治之反死三部脉如屋漏長病十四日死

脉經云三部脉如雀啄長病七日死三部脉如釜中湯沸朝得

十日死暮死夜半得日中死日中得夜半死

三部脉急切腹間病又婉轉腹痛針上下瘥

孫真人備急千金要方卷之八十六

孫真人備急千金要方卷之八十七

隱五

宋朝奉郎守太常少卿充秘閣校理林億等校正

針灸方

明堂三人圖第一 仰人十四門 側人六門 伏人

夫病源所起本於臟腑臟腑之脉竝出手足循環腹背無所不至往來出沒難以測量將欲指取其穴非圖莫可預備之要非灸不精故曰湯藥攻其內針灸攻其外則病無所逃矣方知針灸之功過半於湯藥矣然去聖久遠學徒蒙昧孔穴出入莫測經源濟弱扶危臨事多惑余慨其不逮聊因暇隙鳩集今古名醫明堂以述針灸經一篇用補私闕庶依圖知穴按經識分則孔穴親踈居然可見矣舊明堂圖年代久遠傳寫錯誤不足指

小丘山房

喬氏世定刻行

南今一依甄權等新撰為定云耳若依明堂正經人是七尺六寸四分之身今半之為圖人身長三尺八寸二分其孔穴相去亦皆半之以五分為寸其尺用夏家古尺司馬六尺為步即江淮吳越所用八寸小尺是也其十二經脈五色作之奇經八脈以綠色為之三人孔穴共六百五十穴圖之於後亦觀之便令了耳仰人二百八十二穴背人一百九十四穴側人一百七十四穴名共三百四十九單穴四十八名雙穴三百一名

仰人明堂圖

十四門一百五十七穴內三十二穴單一百二十七穴雙

仰人頭面三十六穴遠近法第一

頭部中行上星在顛上直鼻中央入髮際一寸陷容豆
顛會在上星後一寸陷者中

前項在顛會後一寸半骨陷中

百會在前項後一寸半頂中心

頭第二行五虛在頭上去上星傍一寸半

承光在五虛後一寸不灸一本言一寸半

通天在承光後一寸半

頭第三行臨泣在目上皆直上入髮際五分陷者中

目窻在臨泣後一寸

正營在目窻後一寸

正面部中行神庭在髮際直鼻不刺

素窻在鼻柱端

水溝在鼻柱下人中

兌端在脣上端

斷交在脣內齒上斷縫

承漿在頤前下腎之下

廉泉在頷下結喉上舌本

面部第二行曲差俠神庭傍一寸半在髮際攢竹在眉頭陷中

精明在目內眥外

巨窞俠鼻孔傍八分直瞳子

迎香在和窞上一寸鼻孔傍

禾窞直鼻孔下俠水溝傍五分

面部第三行陽白在眉上一寸直瞳子

承泣在目下七分直瞳子不灸

四白在目下一寸

地倉俠口傍四分

大迎在曲頷前一寸二分骨陷中動脈

面部第四行本神俠曲差傍一寸半在髮際一云直耳上入髮際四分

絲竹空在眉後陷中不灸

瞳子窞在目外去眥五分一名太陽一名前關

面部第五行頭維在額角髮際本神旁一寸半不灸

顴窞在面軌骨下下廉陷中

上關在耳前上廉起骨開口取之一名客主人

下關在客主人下耳前動脈下空下廉冷口有空張口則閉

頰車在耳下曲頰端陷者中

三金卷之七
三
胷部中央直下七穴遠近法第二

天突在頸結喉下五寸宛宛中

旋機在天突下一寸陷中仰頭取之

華蓋在旋機下一寸陷中仰而取之

紫宮在華蓋下一寸六分陷中仰而取之

玉堂在紫宮下一寸六分陷中

臈中在玉堂下一寸六分橫直兩乳間

中庭在臈中下一寸六分陷中

胷部第二行六穴遠近法第三

俞府在巨骨下去旋機傍各二寸陷者中仰而取之

或中在俞府下一寸六分陷中仰卧取之

神藏在或中下一寸六分陷中仰而取之

灵墟在神藏下一寸六分陷中仰卧取之墟或作墟

神封在灵墟下一寸六分

步郎在神封下一寸六分陷中仰而取之

胷部第三行六遠近法第四

氣戶在巨骨下俠俞府兩傍各二寸陷中仰而取之

庫房在氣戶下一寸六分陷中仰而取之

屋翳在庫房下一寸六分陷中仰而取之

膺窻在屋翳下一寸六分乳中禁不灸刺

乳根在乳下一寸六分陷中仰而取之

胷部第四行六穴遠近法第五

小丘山房

喬氏世定刻行

雲門在巨骨下俠氣戶及傍各二寸陷中動脉應手舉膚取之
中府在雲門下一寸抄云一分乳上三肋間動脉應手陷中

周榮在中府下一寸六分陷中仰而取之
曾卿在周榮下一寸六分陷中仰而取之

天谿在曾卿下一寸六分陷中仰而取之
食竇在天谿下一寸六分舉臂取之

腹中第一行十四穴遠近法第六

鳩尾在臆前蔽骨下五分不灸刺

巨闕在鳩尾下一寸

上管在巨闕下一寸去蔽骨三寸

中管在上管下一寸

建里在中管下一寸

下管在建里下一寸

水分在下管下一寸臍上一寸

臍中禁不刺

陰交在臍下一寸

氣海在臍下一寸半

石門在臍下二寸女子不灸

關元在臍下三寸

中極在臍下四寸

曲骨在橫骨之上中極下一寸毛際陷中

腹第二行十一穴遠近法第七

幽門在巨闕傍半寸陷中心藏卷云俠巨闕兩邊相去各一寸

通谷在幽門下一寸

陰都在通谷下一寸

石關在陰都下一寸一名右關

商曲在石關下一寸一名高曲

盲輸在商曲下一寸直臍傍各五分

中注在盲輸下五分

四滿在中注下一寸肺藏卷云俠丹田

氣穴在四滿下一寸婦人方上卷云在關元左邊二寸是右二寸名子戶

大赫在氣穴下一寸腎藏卷云在屈骨端三寸

橫骨在大赫下一寸腎藏卷云名屈骨在陰上橫骨中央貌曲如却日中央是

腹第三行十二穴遠近法第八

不容在幽門傍各一寸五分去任脉二寸直四肋端相去四寸

承滿在不容下一寸

梁門在承滿下一寸

關門在梁門下一寸太一上

太一在關門下一寸

滑肉門在太一下一寸

天樞一名長谿去盲輸一寸半直臍傍二寸脾藏卷云名長谷俠臍相去五寸一

外陵在天樞下半寸大巨上

大橫在腹哀下二寸直臍傍甲乙云三寸

小丘山房

喬氏世定刻行

腹結在大橫下一寸三分
府舍在腹結下三寸

衝門上去大橫五寸在府舍下橫骨兩端約中

手太陰肺經十穴第十

少商在手大指端內側去爪甲角如韭葉

魚際在手大指本節後內側散脈中

大泉在手掌後陷者中此即大淵也避唐祖名當時改正今存此名不改正恐後人將為實是一穴也

經渠在寸口陷者中不灸

列缺在腕上一寸半手太陰絡別走陽明

孔最在腕上七寸手太陰郄也

尺澤在肘中約上動脈

俠白在天府下去肘五寸動脈

天府在腋下三寸不灸

臑會在臂前廉去肩頭三寸甲乙此穴在肩部外臺屬大腸銅人經屬三焦

手厥陰心主經八穴第十一

中衝在手中指端去爪甲如韭葉陷者中

勞宮在掌中央動脈

大陵在掌後兩骨間

內關在掌後去腕二寸外臺作五寸

手心主絡別走大陽

間使在掌後三寸兩筋間

郄門在掌後去腕五寸外臺云去內關五寸手厥陰郄也

曲澤在肘内廉下陷者中屈肘得之

天泉在腋下二寸舉腋取之

手少陰心經八穴第十二

少衝在手小指内廉之端去爪甲如韭葉

少府在手小指大節後陷者中直勞宮大節又作本節

神門在掌後兌骨端陷者中

陰郄在掌後動脉中去腕半寸手少陰郄也

通理在腕後一寸手少陰絡别走太陽

靈道在掌後一寸半

少海在肘内廉節後陷中

極泉在腋下筋間動脉入骨

足太陰脾經十一穴第十三

隱白在足太趾端内側去爪甲如韭葉

大都在足大趾内本節後陷中肝藏卷云在足大趾本節内側白肉際

太白在足大趾内側核骨下陷中

公孫在足大趾本節後一寸足太陰絡别走陽明

商丘在足内踝下微前陷中

三陰交在内踝上八寸骨下陷中銅人經云亦名太陰絡

漏谷在内踝上六寸骨下陷中大陰絡銅人經云亦名太陰絡

地機一名脾舍在膝下五寸足太陰郄也

陰陵泉在膝下内側輔骨下陷者中伸足得之

血海在膝膕上内廉白肉際二寸半一作三寸

小丘山房

喬氏世定刊行

箕門在魚腹上筋間動應手陰市內

足陽明胃經十五穴第十四

厲兌在足大趾次趾之端去爪甲角如韭葉內庭在足大趾次趾外間

陷谷在足大趾次趾外間本節後去內庭二寸

衝陽在足跗上五寸骨間去陷谷三寸一寸云

解谿在衝陽後一寸半

豐隆在外踝上八寸足陽明絡別走大陰

下廉一名下巨虛在上廉下三寸

條口在下廉上一寸

巨虛上廉在三里下三寸

三里在膝下三寸胫骨外

犢鼻在膝臚下胫上俠解大筋中

陰市一名陰鼎在膝上三寸伏兔第二卷云在膝上當伏兔

伏兔在膝上六寸不灸

髀關在膝上伏兔後交分中

梁丘在膝上二寸兩筋間或云足陽明郄也

伏人明堂圖十門一百五十六穴內十穴

伏人頭上第一行五穴遠近法第一

後頂在百會後一寸半

強間在後頂後一寸半

腦戶在枕骨上強間後一寸半不灸

小丘山房

喬氏世定刻行

風府在頂後入髮際一寸大筋內宛宛中不灸
瘡門在項後髮際宛宛中不灸

頭上第二行三穴遠近法第二

玉枕在脞却後七分半俠腦戶傍一寸三分起肉枕骨上入髮際三寸

脞却在通天後一寸半

天柱俠項後髮際大筋外廉陷者中

頭上第三行三穴遠近法第三

風池在顛顛後髮際陷中

承靈在正營後一寸半

腦空在承靈後一寸半俠玉枕傍骨下陷中一名顛顛

伏人耳後六穴遠近法第四

顛息在耳後青脉間

瘰疬在耳本鷄足青脉不灸

完骨在耳後入髮際四分

竅陰在完骨上枕骨下

浮白在耳後入髮際一寸

翳風在耳後陷中按之引耳中

脊中第一行十一穴遠近法第五

大椎在第一椎上陷中

陶道在大椎下節間

身柱在第三椎下節間

小丘山房

喬氏世定刻行

神道在第五椎下節間

至陽在第七椎下節間

筋縮在第九椎下節間

脊中在第十二椎下節間不灸

懸樞在第十三椎下節間

命門在第十四椎下節間

腰輸在第二十一椎下節間

長彊在脊骶端

脊中第二行二十一穴遠近法第六

大杼在項後第一椎下兩傍各一寸半陷中風門一名熱府在

第二椎下兩傍各一寸半肺輸在第三椎下兩傍各一寸半第藏

卷云對乳引繩度之

心輸在第五椎下兩傍各一寸半

膈輸在第七椎下兩傍各一寸半

肝輸在第九椎下兩傍各一寸半第八卷云第九椎節脊中

膽輸在第十椎下兩傍各一寸半

脾輸在第十一椎下兩傍各一寸半第八卷云脾輸無定所隨四季月應病即灸藏輸是

脾穴

胃輸在第十二椎下兩傍各一寸半

三臑輸在第十三椎下兩傍各一寸半

腎輸在第十四椎下兩傍各一寸半

大腸輸在第十六椎下兩傍各一寸半

小腸輸在第十八椎下兩傍各一寸半

膀胱輸在第十九椎下兩傍各一寸半

中膂輸在第二十椎下兩傍各一寸半

白環輸在第二十一椎下兩傍各一寸半

上竅在第一空腰髀下一寸俠脊兩傍

次竅在第二空俠脊陷中

中竅在第三空俠脊陷中

下竅在第四空俠脊陷中

會陽在陰尾骨兩傍

脊中第三行十三穴遠近法第七

附分在第二椎下附項內廉兩傍各三寸

魄戶在第三椎下兩傍各三寸

神堂在第五椎下兩傍各三寸

譙謫在肩膊內廉俠第六椎下兩傍各三寸

膈關在第七椎下兩傍各三寸

魂門在第九椎下兩傍各三寸

陽綱在第十椎下兩傍各三寸

意舍在第十一椎下兩傍各三寸

胃倉在第十二椎下兩傍各三寸

肓門在第十三椎下兩傍各三寸

志室在第十四椎下兩傍各三寸

胞育在第十九椎下兩傍各三寸

小丘山房

喬氏世定刊行

秩邊在第二十一椎下兩傍各三寸

手少陽三焦經十七穴第八

關衝在手小指次指之端去爪甲角如韭葉披門在小指次指間陷者中

中渚在小指次指本節後間陷中

陽池在手表腕上陷者中

外關在腕後二寸陷中手少陽絡別走心主支溝在腕後三寸兩骨間陷中

會宗在腕後三寸空中手少陽郄也

三陽絡在臂上大交脉支溝上一寸不刺

四瀆在肘前五寸外廉陷中

天井在肘後外大骨後一寸兩筋間陷者中屈肘得之

清冷泉在肘上三寸伸肘舉臂取之泉亦是淵字

消灤在肩下臂外開腋斜肘分下行

天宗在秉風後大骨下陷中外臺屋屬小腸經

臑輸俠肩窻後大骨下胛上廉陷下

肩外輸在肩胛上廉去脊三寸陷者中

肩中輸在肩胛內廉去脊二寸陷者中

曲垣在肩中央曲胛陷者中按之應手痛

手太陽小腸經九穴第九

少澤在手小指端外側去爪甲一分陷中

前谷在手小指外側本節前陷中

後谿在手小指外側本節後陷中

腕骨在手外側腕前起骨下陷中

陽谷在手外側腕中兌骨之下陷中

養老在手踝骨上一空在後一寸陷者中手太陽郄也

支正在腕後五寸手太陽絡別走少陰

小海在肘內大骨外去肘端五分

肩貞在肩曲胛下兩骨解間肩髃後陷者中外臺在三焦經

足太陽膀胱經十七穴第十

至陰在足小趾外側去爪甲角如韭葉

通谷在足小趾外側本節前陷中

束骨在足小趾外側本節後陷中

京骨在足外節大骨下赤白肉際陷中

申脉陽蹻所生在外踝下陷中容爪甲

金門在足外踝下陷中一名關梁足太陽郄也

僕參一名安邪在足跟骨下陷中

崑崙在足外踝外跟骨上陷中

承山一名魚腹一名傷山一名肉柱在兌踠腸下分肉間陷者中

飛揚一名厥陽在外踝上七寸足太陽絡別走少陽

承筋一名踠腸一名直腸在脛後從脚跟上七寸踠中央陷中

不刺

合陽在膝約中央下三寸

委中在臍中央約又中動脈

委陽在足太陽之前少阻之後出於臍中外廉兩筋間扶承下六寸

浮郤在委陽上一寸展足得之

殷門在肉郤下六寸

扶承一名肉郤一名陰明一名皮部在尻醫下股陰下文中云

尻醫下陷文中

側人明堂圖六明八雙

側人耳頸二十穴遠近法第一

額厭在曲周顛顛上廉

懸顛在曲周顛顛中

懸釐在曲周顛顛下廉

天衢在耳上如前三寸

率谷在耳上入髮際一寸半

曲鬢在耳上髮際曲隅陷中

角孫在耳郭中間開口有空

和窳在耳前兌髮下動脈

耳門在耳前起肉當耳缺

聽會在耳前陷中張口得之

聽宮在耳中珠子大如赤小豆

天容在耳下曲頰後

天牖在頸筋缺盆上天容後天柱前兌骨下髮際上一寸

小丘山房

喬氏世定刻行

缺盆在肩上橫骨陷中

扶突在氣舍後一寸半

天窻在曲頰下扶突後動應手陷中

天鼎在頸缺盆直扶突曲頰下一寸人迎後人迎在頸大筋應

手俠結喉傍以候五藏氣不灸

水突在頸大筋前直人迎下氣舍上一本云水突在曲頰下一寸近後

氣舍在頸直人迎俠天突陷中

側脅十穴遠近法第二

章門一名長平在大橫文外直臍季肋端

京門在監骨腰中季肋本俠脊

帶脉在季肋下一寸八分

五樞在帶脉下三寸一云在水道下一寸半維道在章門下五

寸三分

居膠在長平下八寸三分監骨上

泉腋在腋下三寸宛宛中舉臂得之中風卷云腋門在腋下攢毛中一名泉腋即淵腋是也

大包在泉腋下三寸

輒筋在腋下三寸後前行一寸著脇

天池在乳後一寸腋下著肋直腋掖助間

側人手陽明太陽經二十穴遠近法第三

商陽在手大指次指內側去爪甲角如韭葉二間在手大指次指本節前內側陷者中

三間在手六指次指本節後內側陷者中

合谷在手大指次指岐骨間

陽谿在腕中上側兩筋間陷中

偏歷在腕後三寸手陽明絡別走太陰

溫留_{一作小}在腕後小土五寸大土六寸_{上大作}手陽明郄也

下廉在輔骨下去上廉一寸

上廉在三里下一寸

三里在曲池下二寸按之肉起兌肉之端

曲池在肘後轉屈肘曲骨之中

肘竅在肘大骨外廉陷中

五里在肘上行馬裏大脉中不刺

臂臑在肘上七寸脰肉端

肩竅在肩端臑上斜舉臂取之

秉風俠天竅外肩_上臑後舉臂有空

肩井在肩上陷解中缺盆上大骨前

天竅在肩缺盆中上莖骨之際陷者中

肩髃在肩端兩骨間脉極篇云在肩外頭近後以手按之有解宛宛中外臺各扁骨

巨骨在肩端上行兩叉骨間陷中

足少陽膽經十五穴遠近法第四

竅陰在足小趾次趾之端去爪甲如韭葉

俠谿在足小趾次趾岐間本節前

地五會在足小趾次趾本節後不灸

臨泣在足小趾本節後間陷者中去俠谿一寸半

丘墟在足外踝如前陷者中去臨泣三寸

付陽在外踝上三寸太陽前少陽後筋骨間懸鍾一名絕骨在

外踝上三寸動者中足三陽絡

陽輔在外踝上輔骨前絕骨端如前三分許去丘墟七寸

光明在足外踝上五寸足少陽絡別走厥陰外立在外踝上七

寸足少陽郄也少陽所生陽交一名別陽一名足竅陽維郄在

外踝上七寸邪屬三陽分肉間本云三寸

陽陵泉在膝下一寸外廉陷中

關陽在陽陵泉上三寸犢皮外一本云關

中瀆在髌骨外膝上五寸分肉間

鑿鉗在髌樞中

足厥陰肝經十一穴第五

大敦在足大趾端去爪甲如韭葉及三毛中行間在足大趾間

動應手陷中

大衝在足大趾本節後二寸或一寸半陷中中封在足內踝前

一寸仰足取之伸足乃得蠡溝在足內踝上五寸北厥陰絡別

走少陽中都在內踝上七寸胛骨中與少陰相值一名中都

膝關在犢鼻下三寸陷者中足厥陰郄也甲分銅人經云二寸

陰

由泉在膝輔骨下大筋上小筋下陷中屈膝乃得

陰包在膝上四寸股內廉兩筋間

小丘山房

喬氏世定刻行

五里在陰廉下二寸

陰廉在羊矢下去氣衝二寸動脈心

足少陰腎經十一穴第六

涌泉一名地衝在足心陷中屈足捲趾宛宛中

肝藏卷云在脚心大趾下大筋

然谷一名龍泉在足內踝前起大骨下陷者中

婦人方上卷云在內踝前直下

十一

大谿在足內踝後跟骨上動脈陷者中

太鐘在足跟後衝中足少陰脛別走太陽

水泉在大谿下一寸內踝下足少陰郄也

照海陰蹻脈所生在足內踝下

伏留一名昌陽一名伏白在足內踝上二寸陷中

交信在內踝上二寸少陰前太陰後廉筋骨間築賓在內踝上

踰分中

陰谷在膝內輔骨之後大筋之下小筋之上按之應

手屈膝而得之

會陰一和屏翳在大便前小便後以兩陰間

已上三人圖者一百四十九穴

手三陰三關穴流注法第二十一

凡孔穴

所出為井 所流為榮 所注為輸

所過為源 所行為經 所入為合

灸刺大法

小丘山房

喬氏世定刻行

春取榮

夏取輸

季子夏取經

秋取合

冬取井

肺出少商為井手太陰脉也流於魚際為榮注於大泉為輸過於列缺為源行於經渠為經入於尺澤為合

心出於中衝為井心包絡脉也流於勞宮為榮注於大海為輸過於內關為源行於間使為經入於曲澤為合

心出於少衝為井手少陰脉也流於少府為榮注於神門為輸過於通里為源行於靈道為經入於少海為合

大腸出於商陽為井手太陽脉也流於二間為榮注於二間為輸過於合谷為源行於陽谿為經入於曲池為合

三焦出於關衝為井手少陽脉也流於腋門為榮注於中渚為輸過於陽池為源行於支溝為經入於天井為合

小腸出於少澤為井手太陽脉也流於前谷為榮注於後谿為輸骨於腕骨為源行於陽谷為經入於小海為合

足三陰三陽穴流注法第二下

胃出於厲兌為井足陽明脉也流於內庭為榮注於陷谷為輸過於衝陽為源行於解谿為經入於三里為合

膽出於竅陰為井足少陽脉也流於俠谿為榮注於臨泣為輸過於丘墟為源行於陽輔為經入於陽陵泉為合

膀胱出於至陰為井足太陽脉也流於通谷為榮注於束骨為輸過於京骨為源行於崑崙為經入於委中為合

脾出於隱白為井足太陰脉也流於大都為榮注於太白為輸

小丘山房

喬氏世定刻行

過於公孫為源行於商丘為經入於陰陵泉為合
肝出於大敦為井足厥陰脉也流於行間為榮注於太衝為輸
過於中封為源行於中却為經入於曲泉為合
腎出於涌泉為井足少陰脉也流於然谷為榮注於太谿為輸
過於水泉為源行於伏留為經入於陰谷為合

孫真人備急千金要方卷之八十七

孫真人備急千金要方卷之八十八

隱六

宋朝奉郎守太常少卿充秘閣校理林億等校正

針灸方

針灸禁忌第三

針禁忌法

大寒無刺

素問云天寒無刺天溫無疑

月生無瀉

月滿無補

月郭空無治

新內無刺

已刺無內

大怒無刺

已刺無怒

大勞無刺

已刺無勞

大醉無刺

已刺無醉

小丘山房

千金要方卷之八十八

二

喬氏世定刻行

大飽無刺

已刺無飽

大飢無刺

已刺無飢

大渴無刺

已刺無渴

乘車來者臥以休息如食頃乃刺之

步行來者坐以休息如行十里頃乃刺之大驚大恐必定其

氣乃刺之

刺中心一日死其動為噫

刺中肺二日死其動為欬

刺中肝五日死其動為語

刺中脾十五日死其動為吞

刺中腎三日死其動為噦

刺中五藏死日變動出素問刺禁篇又診要經終篇云中心者

環死中肺者五日死中腎者七日死中肺者五日死又四時刺逆從篇云中心一日死其動為噫中肝五日死其動為語中脾三日死其動為吞中腎六日死其動為噦欠中脾十日死其動為吞王冰注云此三論皆岐伯之言有不同者傳之誤也

刺中膽一日半死其動吐嘔

刺中膈為傷中不過一歲必死

刺跌上中大脉血出不止死

刺陰股中大脉血出不止死

刺面中流脉不幸為育

刺客主人內陷中脉為內漏為聾

刺頭中腦戶入腦立死

刺膝臍出液為跛

刺舌下中脉大過血出不止為瘖

刺臂太陰脉出血多立死

刺足下布絡中脉血不出

刺足少陰脉重虛出血為舌難以言

刺却中大脉令人仆脫色

刺膺中陷中肺為喘逆仰息

刺氣衝中脉血不出為腫鼠臙

刺肘中内陷氣歸之為不屈伸

刺脊間中髓為偃

刺陰股下三寸内陷令人遺溺

刺乳上中乳房為腫根蝕

刺腋下脅間内陷令人欬

刺缺盆中内陷氣洩令人喘欬逆

刺小腹中膀胱溺出令人小腹滿

刺手魚腹内陷為腫

刺膻膈内陷為腫

刺目在上陷骨中脉為漏為育

刺關節中液出不得屈伸

神庭禁不可刺

上関刺不可深

缺盆刺不可深

顱息刺不可多出血

臍中禁不可刺

左角刺不可久留

雲門刺不可深

經云雲門刺不可深今則都忌不刺學者宜詳悉之

五里禁不可刺

伏兔禁不可刺

按甲乙足陽明經伏兔刺入五分則不當禁

三陽絡禁不可刺

伏留刺无多見血

承筋禁不可刺

然谷刺无多見血

乳中禁不可刺

鳩尾禁不可刺

灸禁忌法

頭維禁不可灸

承光禁不可灸

腦戶禁不可灸

風府禁不可灸

瘖門禁不可灸

陰市禁不可灸

下關耳中有干適低无灸

耳門耳中有膿及適低无灸

人迎禁不可灸

陽關禁不可灸

絲竹空灸之不幸使人目小及青

承泣禁不可灸

春中禁不可灸

乳中禁不可灸

瘕脉禁不可灸

石門女子禁不可灸

白環輸禁不可灸

氣衝灸之不幸不得息

泉腋灸之不幸生膿蝕

天府禁不可灸

經渠禁不可灸

伏兔禁不可灸

地五會禁不可灸

鳩尾禁不可灸

五臟六腑變化傍通訣第四

凡五臟六腑變化无窮散則諸經其事隱沒難得具知今纂集相附以為傍通令學者少留意推尋造次可見矣

五臟

腎

心

肝

肺

脾

六腑

膀胱

小腸

膽

大腸

胃

三焦

五臟經

小丘山房

卷八

五

喬氏世定刻行

足少陰 手少陽 足厥陰 手太陰 足太陰
六腑經

足太陽 手太陽 足少陽 手陽明 足陽明
手少陽

五臟脉

沈濡 洪盛 弦長 浮短 緩大

五臟斤兩

一斤二兩又云一兩 十二兩二毛七孔

四斤四兩左三葉右四葉 三斤三兩六葉兩耳

二斤三兩

六腑斤兩

九兩二銖 二斤十四兩 三兩三銖 二斤十二兩

二斤十四兩

六腑丈尺

縱廣七寸又云九寸 長二丈四尺廣二寸四分 三寸三分

一丈二尺擴六寸 大一尺五寸

六腑所受

九升二合又云九合 二斗四升 一合難經作三合

一斗二升 三斗伍升

五臟官

後宮列女 帝王 上將軍又為即官 大尚書又為上將軍

小丘山房

卷之八

六

喬氏世定刻行

諫議大夫

六腑官

水曹掾 監倉吏 將軍決曹吏 監倉掾 內齋吏

五臟輸

十四椎 五椎 九椎 三椎 十一椎

六腑輸

十九椎 十八椎 十椎 十六椎 十二椎 十三椎

五臟募

京門 巨闕 期門 中府 章門

六臟

中極 闕元 日月 天樞 中管 石門

五臟脉出

涌泉 中衝 大敦 少商 隱白此心包絡經

流甲乙然谷

勞宮心經流 行間 魚際 大都

注 大谿

大陵心經注 大衝 大泉 太白

過 水泉

內關心經過 中封 列缺 公孫

行 伏留

間使心經行 中郛 經渠 商丘

入 陰谷

曲澤心經入 曲泉 尺澤 陰陵泉

六腑脉出

至陰 少澤 竅陰 商陽 厲兌 闕衝

闕衝此三臆

流通谷 前谷 俠谿 二間 內庭 腋門

小丘山房

喬氏世定刻行

注 束骨 後谿 臨泣 三間 陷谷 中渚
過 京骨 腕骨 丘墟 合谷 衝陽 陽池
行 崑崙 陽谷 陽輔 陽谿 解谿 支溝
入 委中 小海 陽陵泉 曲池 三里 天井
天井

五竅

耳陰二 舌 目 鼻 脣

五養

骨精 血脉 筋 皮毛 肉

五液

唾 汗 淚 涕 涎

五聲

呻 意 言 呼 哭 歌

六氣

呵 吹 呼 呵 噓 嘻

五神

志精 神性又作脉神 血意 氣鬼 意智又作營意

五有餘病

脹滿 笑不止 怒 喘喝 仰息 涇洩不利

五不足病

厥逆 憂一作悲 恐 息利 少氣 四肢不用

六情

惡哀 休慮一作好喜 威怒 樂愚 貪狼 廉真

陰賊 寬大 公正 姦邪

八性

欵忌 友愛 慈悲 氣正 公私怨

五常

智謀 禮者 仁爾 義心 信聖

五事

聰聰 視 貌恭 言從 思慮

五咎

急 豫 狂 僭 蒙

五音

吟詠 肆呼 諷 唱 歌

五聲

羽四十 徵五十 角六十 商七十 宮八十

五色

黑 赤 青 白 黃

五味

鹹 若 酸 辛 甘

五臭

腐 焦 羶 腥 香

五宜扶子來

酸 甘 若 鹹 辛

小丘山房

卷八

九

喬氏世定刻行

五惡味之惡

甘 鹹 辛 苦 酸

五惡氣之惡

燥 熱 風 寒 濕

五數

一六 二七 三八 四九 五十

五行

水 火 木 金 土

五時

冬 夏 春 秋 季夏

五形外臺云外應五行之形內法五行之象

曲 兌 直 屈 圓

五畜

豕外臺云豕鼠 羊外臺云虎兔 犬外臺云猴雞 牛外臺云羊犬牛

五穀

大豆 麥 麻 稻黃黍 稷

五菓

栗 杏 李 桃 枣

五菜

藿 薤 韭 葱 葵

論曰假令人腎心肝肺脾為臟則膀胱小腸膽大腸胃為腑足少陰為腎經足太陽為膀胱經下至五藏五果五菜皆爾韜數

小山房

喬氏世定刻行

長之也皆倣此

外臺續漆二十三條本非千金之舊今更不附入

孫真人備急千金要方卷之八十八

孫真人備急千金要方卷之八十九

隱七

宋朝奉郎守太常少卿充秘閣校理林億等校正

針灸方

用針略例第五

夫用針刺者先明其孔穴補虛瀉實送堅付濡以急隨緩榮衛常行勿失其理夫為針者不離乎心口如銜索目欲內視消息氣血不得妄行針入一分知天地之氣針入二分知呼吸出入上下水火之氣針入三分知四時五行五臟六腑逆順之氣針皮毛腠理者勿傷肌肉針肌肉者勿傷筋脉針筋脉者勿傷骨髓針骨髓者勿傷諸絡

東方甲乙木主人肝膽筋膜寬

小丘山房

喬氏世定刊行

南方丙丁火主人心小腸血脉神

西方庚辛金主人肺大腸皮毛鬼

北方壬癸水主人腎膀胱骨髓精志

中央戊己土主人脾胃肌肉意智

針傷筋膜者令人愕視失魂

傷血脉者令人煩亂失神

傷皮毛者令人上氣失魂

傷骨髓者令人呻吟失志

傷肌肉者令人四肢不收失智

此為五亂因針所生若更失度者有死之憂也所謂針能殺生人不能起死人謂愚人妄針必死不能起生人也

又須審候與死人同狀者不可為醫與亡國同政者不可為謀

雖聖智神人不能活死人存亡國也故曰危邦不入亂邦不居

凡愚人貪利不曉於治亂存亡危身滅族彼此俱喪亡國破家亦醫之道也

用凡針之法以補瀉為先呼吸應江漢補瀉校升斗經緯有法

則陰陽不相干震為陽氣始於寅兌為陰氣終於戌坎為太玄

華冬至之日夜半一陽爻生離為太陽精為中女之象欲補從卯南補不足地戶至巽為地虛

欲瀉從酉北天門在乾針入因日明向寅至午針出隨月光從申向午午為日月光之

位如此思五行氣以調榮衛用以將息之是曰隨身寶

凡用鋒針針者除疾速也先補五味刺入五分留十呼刺入一寸留二十呼隨師而將息之刺急者深內而久留之刺緩者淺

內而疾發針刺大者微出其血刺滑者疾發針淺內而又留之
刺澀者必得其脉隨其逆順又留之疾出之壓其血勿出其血
諸小弱者勿用大針然氣不足宜調以百藥餘三針者正中破
癰堅瘤結息肉也亦治人疾也火針亦用鋒針油火燒之務在
猛熱不熱即於人有損也隔日一報三報之後當膿水大出為
佳

巨闕太倉上下管此之一行有六穴忌火針也大癥塊當停針
轉動須臾為佳

每針常須看脉脉好乃下針脉惡勿亂下針也下針一宿發熱
惡寒此為中病勿怪之

灸例第六

凡孔穴在身皆是臟腑榮衛血脉流通表裏往來各有所主臨
時救難必在審詳人有老少体有長短膚有肥瘦皆須精思商
量准而折之無得一槩致有差失其尺寸之法依古者八寸為
尺仍取病者男左女右手中指上第一節為一寸亦有長短不
定者即取手大姆指第一節橫度為一寸以意消息巧拙在人
其言一夫者以四指為一夫又以肌肉文理節解縫會宛陷之
中及以手按之病者快然如此仔細安詳用心者乃能得之耳
凡經云橫三間寸者則是三灸兩間一寸有三灸有三分三壯
之處即為一寸黃帝曰灸不三分是謂徒寬炷務大也小弱炷
乃小作之以意商量

凡點灸法皆須平直四体無使傾則灸時孔穴不正無益於事

徒破好肉耳若坐點則坐灸之臥點則臥灸之立點則立灸之
反此亦不得其穴矣

凡言壯數者若丁壯遇病病根深篤者可倍多於方數其人老
小羸弱者可復減半依扁鵲灸法有至五百壯千壯皆臨時消
息之明堂本經多云針入六分灸三壯更無餘論曹氏灸法有
百壯者有五十壯者小品諸方亦皆有此仍須准病輕重以行
之不可膠柱守株

凡新生兒七日以上周年以還不過七壯炷如雀屎大

凡灸先陽後陰言從頭向左而漸下次後從頭向右而漸下先
上後下皆以日正午已後乃可下火灸之時謂陰氣未至灸無
不著午前平旦穀氣虛令人癡眩不可灸針也慎之其大法如

此卒急者不可用此例

灸之生熟法腰已上為上部腰已下為下部外為陽部榮內為
陰部衛故臟腑周流名曰經絡是故丈夫四十已上氣在腰老
嫗四十已上氣在乳是以丈夫先衰以下婦人先衰於上灸之
生熟亦宜搏而節之法當隨病遷變大法外氣務生內氣務熟
其餘隨宜耳頭者身之元首人神之所法氣口精明三百六十
五絡皆上歸於頭頭者諸陽之會也故頭病必宜審之灸其穴
不得亂灸過多傷神或使陽精玄熟令陰鬼再卒是以灸頭正
得滿百脊背者是體之橫梁五臟之所繫著太陽之會各陰陽
動發冷熱成疾灸太過熟大害也人臂脚手足者人之枝幹其
神繫於五臟六腑隨血脉出能遠近採物臨深履薄養於諸經

狹淺故灸宜少灸過多即內神不得入精神閉塞否滯不即仁
臂不舉故四肢之灸不宜太熟也然腹臟之內為性貪於五味
無厭成疾風寒結痼水穀不消宜當熟之然大杼脊中腎輸膀
胱八穴可至二百壯心主手足太陰可至六十七壯三里太鷄
太衝陰陽二陵泉上下二廉可至百壯腹上下管中管太倉關
元可至百壯若病重者皆當三報之乃愈病耳若治諸沈結寒
冷病莫若灸之宜熟若治諸陰陽風者身熱脈大者以針鋒刺
之間日一報之若治諸邪風鬼注痛處少氣以毫針去之隨病
輕重用之表針內藥隨時用之消息將之與天同心百年永安
終無橫病此要畧說之非賢勿傳秘之凡微數之脈慎不可灸
傷血脈焦筋骨凡汗已後勿灸此為大逆脈浮熱甚勿灸

頭面目咽灸之最欲生少手臂四肢灸之欲瀕小熟亦不宜多
胃背腹灸之尤宜大熟其腰脊欲瀕少生大体皆瀕以意商量
臨時遷改應機千變萬化難以一准耳其溫病隨所著而灸之
可百壯餘少至九十壯大杼胃管可五十壯手心主手足太陽
可五十壯三里曲池太衝可百壯皆三報之乃可愈耳風勞沈
重九部盡病及毒氣為疾者不過五十壯亦宜三報之若攻臟
腑成心腹痛者亦宜百壯若卒暴病鬼魅所著者灸頭面四肢
宜多腹背宜少其多不過五十其少不減三五七九壯凡陰陽
濡風口喎僻者不過三十壯三日一報報如前微者三報重者
九報此風氣濡微細入故宜緩火溫氣推排漸抽以除耳若卒
暴催迫則流行細入成痼疾不可愈也故宜緩火凡諸虛疾水

穀沈結流離者當灸腹背宜多而不過百壯大凡人有卒暴得風或中時氣凡百所苦皆須急灸療慎勿忍之停滯也若王相者可得無他不爾漸久後皆難愈深宜知此一條凡人吳蜀地遊宦體上常須三兩處灸之勿令瘡暫瘥則瘴癘溫瘧毒氣不能著人也故吳蜀灸行灸法阿是之法言人有病痛即令捏其上若裏當其處不問孔穴即得便快成痛處即云阿是灸刺皆驗故曰阿是穴也

太醫針灸宜忌第七

論曰欲行針灸先知行年宜忌及人神新在不與禁忌相應即可今具如左

木命人行年在木則不宜針及服青藥火命人行年在火則不宜汗及服赤藥土命人行年在上則不宜吐及服黃藥金命人行年在金則不宜灸及服白藥水命人行年在水則不宜下及服黑藥凡醫者不知此法下手即困若遇年命厄會深者下手即死

推天醫血忌等月忌及日忌傍通法

月傍通 正二三四五六七八九十十一十二

天醫 卯寅丑子亥戌酉申未巳午辰 呼師治病吉

血忌 丑未寅申卯酉辰戌巳亥午子 忌針

月厭 戌酉申未午巳辰卯寅丑子亥 忌針

四激 戌戌戌丑丑丑辰辰未未未 忌針

月殺 戌巳午未寅卯辰亥子丑申酉 不可舉百事凶千舉百外甚云丑戌

未辰丑戌未辰戌未辰

月刑

巳子辰申午丑寅酉未亥卯戌

不療病

六害

巳辰卯寅丑子亥戌酉申未午

不療病

右天醫上呼師避病吉若刑害上凶

推行年醫法

年至

子丑寅卯辰巳午未申酉戌亥

天醫

卯戌子未酉亥辰寅巳午丑申

求歲天醫法

常以傳送加太歲大乙下為天醫

求月天醫法

陽月以大吉陰月以小吉加月建功曹下為鬼道傳送下為

天醫

推避病法

以小吉加月建登明下為天醫可於此避病

推治病法

以月將加時天醫加病人年治之瘥

喚師法

未卯巳亥酉

鬼所在喚師凶

推行年人神法

臍心肘咽口頭脊膝足

一二三四五六七八九十十一十二

十三十四十五十六十七十八十九二十二十一二十二

小益山房

卷八十九

喬氏世定刻行

七日內踝

八日足腕

九日尻

十日背腰

十一日鼻柱千金翼云及眉

十二日髮際

十三日牙齒

十四日胃管

十五日偏身

十六日胃乳

十七日氣衝千金翼云及脇

十八日腹內

十九日足跌

二十日膝下

二十一日手小指

二十二日伏兔

二十三日肝輸

二十四日手陽明兩脇

二十五日足陽明

二十六日手足

二十七日膝

二十八日陰

二十九日膝脛顛顛

三十日關元下至足心外臺云足跌上

十干十二支人神忌日

甲日頭 乙日項

丙日肩 丁日背

戊日腹 巳日背

庚日膝 辛日脾

壬日腎 癸日元

又云

甲乙日忌寅時頭

丙丁日忌辰時耳

戊巳日忌午時髮

庚辛日忌申時關文

壬癸日忌酉時足

子日目 丑日耳

寅日口外臺云六背面

卯日鼻外臺云在脾

辰日腰

巳日手外臺云頭口

午日心

小丘山房

喬氏世定刻行

未日足外臺云

酉日背外臺云

亥日頂外臺云

建日申時頭外臺云

滿日戌時腹

定日子時心

破日寅時口

成日辰時脣

開日午時耳

十二時忌

申日頭外臺云

戌日項外臺云

除日酉時膝外臺云

平日亥時腰背

執日丑時手

危日卯時鼻

收日巳時足外臺云

閉日未時目

右件時不得犯其處殺人

子時踝

丑時頭

寅時目

卯時面耳外臺云

辰時項口外臺云

巳時肩外臺云

午時胃脇

未時腹

申時心

酉時背脾外臺云

戌時腰陰

亥時股

又

立春春分脾

立夏夏至肺

立秋秋分肝

立冬冬至心

四季十八日腎

已上並不得醫治凶

凡五臟王時不得治及忌針灸其經絡凶

小丘山房

喬氏世定刻行

又

正月丑 二月戌 三月未 四月辰 五月丑 六月戌
七月未 八月辰 九月丑 十月戌 十一月未 十二月辰

又

春左脇 秋月脇 夏在臍 冬月腰

又

每月六日十五日十八日二十二日二十四日小盡日療病

令人長病

戊午甲午 此二日大忌刺出血服藥針灸皆凶千金翼云不出月凶

甲辰庚寅乙卯丙辰辛巳 此日針灸凶

壬辰甲辰巳巳丙午丁未 此日男忌針灸

甲寅乙卯乙酉乙巳丁巳 此日女人忌針灸

甲子壬子甲午丙辰丁巳辛卯癸卯乙亥 此日忌針灸外臺云甲子日天子會

壬子日百會甲午日太子會丁巳日王公會丙辰日諸侯會辛卯日大夫會癸卯日大人會乙亥日巳上都會

又

男避除 女避破 男忌戌 女忌巳

凡

五辰 五酉 五未 及八節 先後各一皆名

論曰此等法散在諸部不可尋究故集作一處造次易知所以省披討也

孫真人備急千金要方卷之八十九

孫真人備急千金要方卷之九十

隱八

宋朝奉節守太常少卿克秘閣校理林億等校正

針灸

孔穴主對法

論曰凡云孔穴主對者穴名在上病狀在下或一病有數十穴或數病共一穴皆臨時斟酌作法用之其有須針者即針刺以補瀉之不宜針者直爾灸之然灸之大法但其孔穴與針無忌即下白針若溫針訖乃灸之此為良醫其脚氣一病最宜針之若針而不灸灸而不針皆非良醫也針灸而藥藥不針灸尤非良醫也但恨下里間知針者鮮耳所以學者深須解用針燔針白針皆須妙解知針知藥固是良醫

小丘山房

喬氏世定刻行

頭面第一

頭病

神庭 水瀟主寒熱頭痛喘渴目不可視又云神庭主風頭眩善嘔煩滿

頭維 大陵主頭痛如破目痛如脫甲乙云喘逆煩滿嘔吐流汗難言

崑崙 解谿 曲泉 飛揚 前谷 少澤 通里主頭眩

痛

竅陰 強間主頭痛如錐刺不可以動

腦戶 通天 腦空主頭重痛

消樂主寒熱痺頭痛

攢竹 承光 腎輸 絲竹空 瘕脉 和窞主風頭痛云

瘕脉主風頭耳後痛

上星主風頭眩顏清又云上星主風頭引額痛

顛會主風頭眩頭痛顏清

天牖 風門 崑崙 闕元 闕衝主風眩頭痛 合谷

五處主風頭熱前項 後項 領厭主風眩偏頭痛

玉枕主頭半寒痛甲乙云頭眩目痛頭半寒

天柱 陶道 大杼一作本神 孔最 後谿主頭痛 目窓

中渚 完骨 命門 豐隆 太白 外丘 通谷 京骨

臨泣 小海 承筋 陵陽主頭痛寒熱汗出不惡寒

項病

少澤 前谷 後谿 陽谷 完骨 崑崙 小海 攢竹

主項強急痛不可以顧 消樂 本神 通天 強間

小丘山房 喬氏世定刻行

風府 瘖闕 天柱 風池 斷交 天衝 陶道 外丘
通谷 玉枕主項如拔不可左右顧

天容 前谷 角孫 腕骨 支正主頸腫項痛不可顧又
天容主頸項癱不能
主角孫主頸領注滿

面病

飛揚 涌泉 頷厭 後項主頸項疼歷節汗出

攢竹 斷交 玉枕主面赤頰中痛

上星 額會 前項 腦戶 風池主面赤腫 巨邪

主面惡風寒頰腫痛 天突 天窓主面皮熱又云
天窓

主頰
腫痛 腎輸 內關主面赤熱行間主面蒼黑

大衝主面塵黑

中渚主顛顛痛頷顛熱痛面赤
懸釐主面皮赤痛

目病

大孰主目不欲視大息

大都主目眩 承泉 前項 天柱 腦空 目窓主目

眩暝

天柱 陶道 崑崙主目眩又日不明目如脫

腎輸 內關 心輸 復留 大泉 腕骨 中渚 攢竹

精明 百會 委中 崑崙 天柱 本神 大杼 頷厭

通谷 曲泉 後頂 胃輸 絲竹空主目眵眵不明惡風

寒 陽白主目瞳子痛癢遠視眵昏夜無所見

掖門 前谷 後谿 腕骨 神庭 百會 天柱 風池

天牖 心輸主目泣出又去天牖主目不明耳不聰

至陰主目醫 後谿主皆爛有醫

丘墟主視不精了目醫瞳子不見

前谷 京骨主目中白醫又云京骨主目反白醫從內皆始 精明 斷交

承泣 四白 風池 巨窞 瞳子窞 上星 肝輸主目

淚出多眵眦內皆赤痛癢生白膚醫

照海主目痛視如見星

肝輸主熱病產後食五辛多患眼闇如雀目 陽白

上星 本神 大都 曲泉 俠谿 三間 前谷 攢竹

玉枕主目系急目上插

絲竹空 前項主目上插增風寒

承泣主目潤動與項口相引甲乙云目不明淚出眩目昏瞳子癢遠視眵昏夜無見目

動與項口參相引 啞僻口不能言

三間 前谷主目急痛

申脉主目反上視若赤痛從內皆始

陽谿 陽谷主目痛赤

曲泉主目赤腫痛

陽谷 大衝 崑崙主目急痛赤腫又云大衝主下皆痛 束骨主

皆爛赤

掖門主目澀暴變

顴窞 內關主目赤黃

小丘山房

二間主背傷 商陽 巨窞 上関 承光 童子窞
絡却主青育無所見

期門主目青而嘔

風池 腦戶 玉枕 風府 上星主日痛不能視先取諱

諱後取天牖風池

大泉主目中白睛青

俠谿主外眦赤痛逆寒泣出目癢

鼻病

神庭 攢竹 迎香 風門 合谷 至陰 通谷主鼻軌

清涕出

曲差 上星 迎香 素窞 水瀆 斷交 通天 禾窞

風府主鼻塞喘息不利鼻鳴僻多涕軌衄有瘡

水瀆 天牖主鼻不收涕不知香臭甲乙云鼻衄不得息及衄不止

斷交主鼻中息肉不利鼻頭額頰中痛鼻中有蝕瘡

承靈 風池 風門 諱諱 後谿主鼻衄窒喘息不通

腦空 竅陰主鼻管疽發為癩鼻

風門 五處主時時嚏不已

肝輸主鼻中酸 中管 三間 偏歷 厲兌 承筋

京骨 崑崙 承山 飛揚 隱白主頭熱鼻軌衄又云中管主鼻

問焦 天柱主不知香臭

復留主涎出鼻孔中痛

京骨 申脉主鼻中衄血不止淋瀝

厲兌 京骨 前谷主鼻不利涕黃

耳病

上関 下関 四白 百會 顛息 翳風 耳門 領厭

天窓 陽谿 衝関 掖門 中渚主耳痛鳴聾

天容 聽會 聽宮 中風主聾嘈嘈若蟬鳴 天牖

四瀆主暴聾少商主耳前痛 曲池主耳痛

外関 會宗主耳渾渾淳淳聾無所聞

前谷 後谿主耳鳴仍取偏歷大陵

腕骨 陽谷 肩貞 竅陰 俠谿主領痛引耳嘈嘈耳鳴

無所聞 商陽主耳中風聾鳴刺入一分留一呼灸三壯左取右右取

左如食頃

口病

承泣 四白 巨窞 禾窞 上関 大迎 顛骨 強間

風池 迎香 水瀆主口喎僻不能言

頰車 顛窞主口僻痛惡風寒不可以嚼

外関 内庭 三里 大泉 甲云口僻刺大淵引而下之 商丘主僻喎

水瀆 斷交主口不能禁水漿喎僻 斷交 上関 大迎

翳風主口噤不開引鼻中

合谷 水瀆主唇吻不收瘡不能言口噤不開 商丘

曲鬢主口噤不開 地倉 大迎主口緩不收不能言

下関 大迎 翳風主口失欠下牙齒痛

小丘山房

喬氏世定刻行

膽輸 商陽 小腸輸主口舌乾食飲不下

勞宮

少澤 三間 大衝主口熱口乾口中爛又云勞宮主大人小兒口中腫腥

曲澤 章門主口乾 大谿 少澤主咽中乾口中熱唾如

膠 兌端 目窻 正營 耳門主脣吻強上齒齲痛

陽陵泉主口苦噤中介介然 光明 臨泣主喜齧頰京骨

陽谷主自齧脣一作頰

解谿主口痛齧舌

舌病

廉泉 然谷甲乙作通谷

陰谷主舌下腫難言舌癢涎出

風府主舌緩瘖不能言舌急語難

扶突 大鍾 竅陰主舌本出血

魚際主舌上黃身熱

尺澤主舌乾脅痛

關衝主舌捲口乾心煩悶

中衝主舌本痛 支溝 天窓 扶突 曲鬢 靈道主暴

瘖不能言

天突主俠舌縫脉青

復留主舌捲不能言

齒病

厲兌 三間 衝陽 偏歷 小海 合谷 內庭 復留

主齲齒

小丘山房

喬氏世定刻行

浮白主牙齒痛不能言

大迎 顧窮 聰會 曲池主齒痛惡寒

陽谷 正營主上牙齒痛

陽谷 掖門 商陽 二間 四瀆主下牙齒痛 角孫

頰鼻主牙齒不能嚼 下關 大迎 翳風 完骨主牙齒

齧痛

曲鬢 衝陽主齒齧

喉咽病

風府 天窓 勞宮主喉噤痛

扶突 天突 天谿主喉鳴暴忤氣哽

少商 大衝 經粟主喉中鳴

魚際主喉中焦乾

水突主喉咽腫 掖門 四瀆主呼吸短氣咽中如息肉狀

間使主噎中如扼甲乙作行間

少衝主酸咽 少府 蠡溝主噎中有氣如息肉狀

中渚 支溝 內庭主噎痛 復留 照海 大衝 中封

主噎乾 前谷 照海 中封主咽偏腫不可以咽

涌泉 大鍾主咽中痛不可內食

然谷 大谿主噎內腫氣走咽喉而不能言

主喉咽僕引項掣不收

喉痺

完骨 天牖 前谷主喉痺頤項腫不可俛仰頰腫引耳後

小丘山房

喬氏世定刻行

中府 陽交主喉痺曾滿塞寒熱

天容 缺盆 大骨 膈輸 雲門 尺澤 二間 厲兌

涌泉 然谷主喉痺哽咽寒熱 天鼎 氣舍 膈輸

主喉痺噎哽咽腫 不得消食飲不下

天突主喉痺咽乾急

大陵 偏歷主喉痺啞乾

旋機 鳩尾主喉痺咽腫水漿不下

三間 陽谿主喉痺咽如哽

神門 合谷 風池主喉痺

三里 溫留 曲池 中渚 豐隆主喉痺不能言

關衝 竅陰 少澤主喉痺舌捲口乾

凡喉痺曾中暴逆先取衝脉後取三里雲門各瀉之又刺手小指端出血立已

孫真人備急千金要方卷之九十

小丘山房

喬氏世定刻行

孫真人備急千金要方卷之九十一

隱九

宋朝奉郎守太常少卿克秘閣校理林億等校正

針灸孔穴方

心腹第二

胃月

通谷 章門 曲泉 膈輸 期門 食竇 陷谷 石門

主胃脅支滿

大杼 心輸主胃中鬱鬱

本神 顛息主胃脅相引不得傾側

肝輸 脾輸 志室主兩脅急痛

腎輸主兩脅引痛

小丘山房

卷九十一

二

喬氏世定刻行

神堂主胃腹滿 三間主胃滿腸鳴

陽谿 天容主胃滿不得息

期門 缺盆主胃中熱息賁脅下氣上

曲池 人迎 神道 章門 中府 臨泣 天池 旋機

府輸主胃中滿 支溝主脅腋急痛

腕骨 陽谷主胃痛不得息

豐隆 丘墟主胃痛如刺

竅陰主脅痛欬逆

臨泣主季脇 支痛胃痺不得息

陽輔主胃脇痛 陽交主胃滿腫

環鈿 至陰主胃脇痛無常處腰脇相引急痛

太白

主胃脇脹切痛甲乙云脇切痛

然骨主胃中寒欬唾有血

大鍾主胃喘息脹

膽輸 章門主脇痛不得以胃滿嘔無所出 大包主胃

脇中痛 臆中 天井主胃心痛

華蓋 紫宮 中庭 神藏 靈墟 胃輸 俠谿 步郎

商陽 上廉 三里 氣戶 周榮 上管 勞官 涌泉

陽陵泉主胃脇柱滿

膺窻主胃脇癰腫

乳根主胃下滿痛

雲門 中府 隱白 期門 肺輸 鬼門 大陵主胃中

小丘山房

子金卷九上

二

喬氏世定刻行

痛又云雲門主

鳩尾主胃滿欬逆

巨闕問使主胃中澹澹又云間使主

中管承滿主脇下堅痛

梁門主胃下積氣

大泉主胃滿噉呼胃膺痛

魚際主痺走胃背不得息

關元期門少商主脇下脹

經渠丘墟主胃背急胃中彭彭

尺澤少澤主短氣脇痛心煩

少衝主胃痛口熱

凡胃滿短氣不得汗此其鉅補手太陰以出汗

心病

支溝大谿然谷主心痛如錐刺甚者手足寒至節不息

者死又云然谷主心懸少氣不足以息大都太白主暴泄心痛腹脹心痛

尤甚臨泣主胃痺心痛不得反側甲乙云不得息痛無常處

行間主心痛色蒼蒼然如死灰狀終日不得太息

通谷巨闕太倉心輸臆中神府主心痛

通里主卒痛煩心中懊懣數欠頻伸心下悸悲恐

期門長強天突俠白中衝主心痛短氣

尺澤主心痛彭彭然心煩悶亂少氣不足以息腎輸

復留大陵雲門主心痛如懸

小丘山房

卷九

三

喬氏世定刻行

章門主心痛而嘔

建里主心痛上搶心不欲食

少衝主心痛而寒

大泉主心痛肺脹胃氣上逆

鳩尾主心寒脹滿不得食息責唾血厥心痛善噦心疝太息

上管主心痛有三蟲多涎不得反側

中管主心痛難以俛仰甲乙云身寒心疝衝胃死不知人

不容 期門

主心切痛喜噫酸

育門主心下大堅

靈道主心痛悲恐相引瘕瘕

間使主懸如飢

郄門 曲澤 大陵主心痛

商丘主心下有寒痛又主脾虛令人病不樂好太息

凡卒心痛汗出刺大敦出血立已

內關主凡心實中則心中暴痛虛則心煩惕然不能動失智

腹病

復留 中封 腎輸 承筋 陰包 承山 大敦主小腹

痛又云腹留主腹厥

石門 商丘主小腹堅痛下引陰中

氣海主小腹疝氣遊行五藏腹中切痛 閔元 委中

照海 大谿主小腹熱而偏痛 膈輸 陰谷主腹脹

胃管暴痛及腹積聚肌肉痛

小丘山房

喬氏世定刻行

高曲主腹中積聚時切痛一名商曲

四滿主腹僻切痛

天樞主腹中盡痛

外陵主腹中盡痛疼

崑崙主腹痛喘暴滿

氣衝主身熱腹痛

腹結主繞臍痛捨心

衝門主寒氣滿腹中積疼淫瀼

間使主寒中少氣

隱白主腹中寒冷氣脹喘

鳩尾主腹皮痛搔癢

中極主腹中熱痛

水分 石門主小腹中拘急痛

巨闕 上管 石門 陰踞主腹中滿暴痛汗出

行間主腹痛而熱上柱心心下滿 大谿主腹中相引痛

涌泉主風入腹中小腹痛

豐隆主胃痛如刺腹若刀切痛

脹滿病

中極主小腹積聚堅如石小腹滿又云中極主寒中腹脹

通谷主

結積留飲癖囊胃滿飲食不消 膀胱輸主堅結積聚

上管主心下堅積聚冷脹

胃管 三焦輸主小腹積聚堅大如盤胃脹食飲不消

小丘山房

卷九上

五

喬氏世定刻行

三里 章門 京門 厲兌 內庭 陰谷 絡却 崑崙

商丘 陰谷 曲泉 陰陵泉主腹脹滿不得息又云陰陵泉主腹中

脹不嗜食胸下滿腹中盛水脹逆不得臥又云云商丘主腹中滿嚮嚮然不便心下有寒痛

隱白主腹脹逆息又云隱白主腹滿喜嘔

尺澤主腹脹喘振慄

解谿主腹大小重又云解谿主厥氣上柱腹大

大鍾主腹滿便難

肝輸 包育主小腹滿

水道主小腹脹滿痛引陰中

日月 大橫主小腹熱欲走太息

委中主小腹堅腫

關元主寒氣入腹

懸樞主腹中積上下行

懸中主腹滿 脾輸 大腸輸主腹中氣脹引脊痛食飲多

而身羸瘦名曰食晦先取肝輸後取季肋

陰市主腹中滿痿厥少氣

丘墟主大疝腹堅

京門主寒熱腹脹

高曲主腹中積聚

育輸主大腹寒疝甲乙云大腹寒中

天樞主腹脹腸鳴氣上衝胃

氣衝主腹中大熱不安腹有大氣暴脹滿瘕淫樂

小丘山房

醫考卷九十一

六

喬氏世定刻行

大衝主羸瘦恐懼氣不足腹中悒悒

期門主腹大堅不得息脹痺滿小腹尤大太陰却主腹滿積聚

大谿主腹中脹腫

衡門主寒氣腹滿腹中積聚疼痛

巨闕上管主腹脹五藏脹心腹滿

中管主腹脹不通在大使堅憂思損傷氣積聚腹中甚痛作膿腫往來上下

陰交主五藏遊氣

三里行間曲泉主腹臌滿

陷谷主腹大滿喜噫

衝陽主腹大不嗜食

五里主心下脹滿而痛上氣

太白公孫主腹脹食不化鼓脹腹中氣大滿

涌谷主腸鳴強欠心悲氣逆腹臌滿急蠱滿主數噫恐怪

氣不足腹中悒悒

凡腹中熱喜渴涎出是蛔也以手聚而按之堅持勿令得移以大針刺中管久持之中不動乃出針

凡腹滿痛不得息正仰臥屈一膝伸一脚並氣衝針入三寸

氣至寫之

陰都主心滿氣逆腸鳴

陷谷溫留涌谷復留陽綱主腸鳴而痛

上廉主腸鳴相追逐

胃輸主腹滿而鳴

章門主腸鳴盈盈然

膺窻主腸鳴泄注

太白 公孫主腸鳴

臍中主腸中常鳴上衝心

陰交主腸鳴濯濯如有水聲

大小便病

豐隆主大小便澀難

營衝四穴生大小便不利

長疆 小腸輸主大小便難淋瘕

水道主三焦約大小便不通

秩邊 包育主瘕閉下重大小便難

會陰中主陰中諸病前後相引痛不得大小便又云主小便難竅中熱

大腸輸 八竅主大小便利 陽綱主大便不節小便赤

黃腸鳴泄注 屈骨端主小便不利大便

泄數并灸天樞

勞宮主大便血不止尿赤

大谿主尿黃大便難

中竅 石門 承山 大衝 中管 大鍾 大谿 承筋

主大便難又云大衝主淋不得尿陰上痛又云中管主小腸有熱尿黃

崑崙主不得大便

小丘山房

喬氏世定刻行

育輸主大便乾腹中切痛

石關主大便閉寒氣結心堅滿

中注 浮却主小腹熱大便堅

上廉 下廉主小便難黃

少府 三里主小便不利癢

腎輸主小便難赤濁滑寒熱

橫骨 大巨 期門主小腹滿小便難陰下縱

六敦

箕門 委中 委陽主陰跳遺小便難

中極 蠡溝 漏谷 承扶 至陰主小便不利失精又云承扶

主尻中腫大便直出 陰胞有寒小便不利

陰陵泉主心下滿寒中小便不利

關元主胞閉塞小便不通勞熱石淋又云主石淋脘下三十大疾不得小便并灸足

太陽又云主 傷中尿血

列缺主小便熱痛

京門 照海主尿黃水道不通又云京門主溢飲 水道不通溺黃

陰交 石門 委陰主小腹堅痛引陰中不得小便

大陵主目赤小便如血

承漿主小便赤黃或時不禁

完骨 小腸輸 白環輸 膀胱輸主小便赤黃 前谷

委中主尿赤難陰谷主尿難陰痿不用

中封 行間主振寒洩白尿難痛又云行間主 癢閉重中痛 凡尿青黃赤白黑青取井黃取輸赤取榮白取經黑取合

關元 酒泉主胞轉氣淋又主小便數 陰陵泉 關元主

寒熱不節賢病不可以俛仰氣癢尿黃

氣衝主腹中滿熱淋閉不得尿

曲泉主癢閉陰痿

交信主氣淋 然谷主癢疝

復留主淋 又云主血淋 懸鍾主五淋

大敦 氣門主五淋不得尿

通里主遺溺 曲骨主小腹脹血癢小便難 關元

中府 神門主遺尿 甲乙中府作委中 陰陵泉 陽陵泉

主失禁遺尿不自知

泄痢病

京門 然谷 陰陵泉主洞泄不化

交信主泄痢赤白漏血

丹田主泄痢不禁小便絞痛

復留主腸澼便膿血泄痢後重腹痛如瘕狀

脾輸主泄痢不食食不生肌膚 小腸輸主泄痢膿血五

色重下腫痛 關元 大谿主泄痢不止

京門 崑崙主洞泄体痛 天樞主冬

月重感於寒則泄當臍痛腸胃間遊氣切痛

腹哀主便膿血寒中食不化腹中痛

尺澤主嘔泄上下出兩脅下痛

束骨主腸澼泄 長強主頭重洞泄

小丘山房

卷九十一

十

喬氏世定刻行

太白主腹脹食不化喜嘔泄有膿血

地機主溏瘕腹中痛藏痺

陰陵泉 隱白主胃中熱暴泄

大衝 曲泉主溏泄痢注下血

腎輸 章門主寒中洞泄不化

會陽主腹中有寒泄注腸澀便血

三焦輸 小腸輸 下窳 意舍 章門 主腸鳴臃脹欬

泄注

中窳主腹脹殮泄

大腸輸主腸鳴腹臃腫暴泄

消渴病

承漿 意舍 関衝 然谷主消渴嗜飲又云意舍主消渴身熱面目黃

勞宮主苦渴食不下 曲池主寒熱渴 隱白主飲渴

行間 大衝主噤乾喜渴 商丘主煩中渴

水腫病

公孫主頭面腫 水滿主水腫人中滿

胃倉主水腫臃脹食飲不下惡寒

章門主身潤石水身腫

屋翳主身腫皮痛不可近衣

中府 間使 合谷主面腹腫

陰交 石門主水脹水氣行皮中小腹皮敦敦然小便黃瀉

関元主小腹滿石水

小丘山房

卷九十一

喬氏世定刻行

四滿 然谷主大腹石水

關門主身腫身重

天樞 豐隆 厲兌 陷谷 衝陽主面浮腫又云豐隆主四肢腫身重

天府主身脹逆息不得臥風汗身腫喘息多嚔

氣衝主大氣石水

解谿主風水面肘腫顏黑

上廉主風水膝腫

三里主水腹脹及腫

陷谷 列缺主面目癰腫又云列缺主汗出四肢腫

臨泣主掖下腫胷中滿

大敦主大腹腫脹臍腹悒悒

天牖主乳腫缺盆中腫

崑崙主腰尻腫腓跟腫

丘墟 陽蹻主掖下腫寒熱頸腫

曲泉主腹腫 復留 豐隆主風逆四肢腫 陰谷主寒

熱腹偏腫 完骨 巨筭主頭面氣附腫

陽陵泉主頭面腫

凡頭目癰腫留飲胃脇支清刺谷出血立已

不能食病

豐隆主不能食 石門主不欲食穀入不化 天樞 厲兌

內庭主食不化不嗜食俠臍急

維道主三焦有水氣不能食

小丘山房

中封主身黃有微熱不嗜食

然谷 內庭 脾輸主不嗜食

胃輸 腎輸主胃中寒脹食多身瘦羸又云胃輸主嘔吐

食

大腸輸 周榮主食不下喜飲

陽綱 期門 少商 勞宮主飲食不下章門主食飲不化

入腹還出熱中不嗜食苦吞而聞食臭傷飽身黃酸疼羸瘦

中庭 中府主膈寒食不下嘔吐還出

食竇主膈中雷鳴察察隱隱常有水聲

巨闕主膈中不利

中極主飢不能食

上管 中管主寒中傷飽食飲不化

凡飲食不化入腹還出先取下管後取三里瀉之

凡不嗜食刺然谷多見血使人立飢

嘔吐病

商丘 幽門 通谷主喜嘔又云商丘主脾虛令人病寒不樂并太息多寒熱喜嘔

俞府 靈墟 神藏

巨闕主嘔吐胃滿

率谷主煩滿嘔吐

天容主欬逆嘔沫

胃輸 腎輸主嘔吐

曲澤主逆氣嘔涎

小丘山房

中庭 中府主嘔逆吐食下還出

石門主嘔吐 陽陵泉主嘔宿汁心下澹澹

維道主嘔逆不止

少商 勞宮主嘔吐

絕骨主病熱欬嘔

大鍾 大谿主煩心滿嘔

魂門 陽關主嘔吐不住多涎

隱白主膈中嘔吐不欲食

膈輸主吐食又灸章門胃管

巨闕 胃堂主吐食

大敦主噦噫又灸巨闕

內庭主喜頻伸數欠惡聞人音

吐血病

上管 不容 大陵主嘔血

胃堂 脾輸 手心主 間使 胃管 天樞 肝輸

魚際 勞宮 肩輸 大谿主噦血吐血

却門主衄血吐血

委中 隱白主衄血劇不止

大泉 神門主噦血振寒嘔血上氣

手少陰 却主吐血

行間主短氣嘔血胃背痛

大衝主面唇色白時時嘔血女子漏血

涌泉主衄血不止

然谷主欬唾有血

凡內損唾血不足外無膏澤地五會主之刺入三分特忌灸
凡唾血瀉魚際補尺澤

欬逆上氣

天容 廉泉 魄戶 氣舍 譙嘻 扶突主欬逆上氣喘

息嘔沫齒噤

甲乙云陽氣大逆上滿於胃中憤慎肩息大氣逆上喘喝坐伏不得息取之天容上氣胃痛取

之廉泉欬逆上氣魄戶及氣舍譙嘻主之咽喉喝喘息扶突主之唾沫天容主之

頭維主喘逆煩滿嘔沫流汗

缺盆 心輸 肝輸 巨闕 鳩尾主欬唾血

又云鳩尾主噫喘胃滿欬嘔

缺盆 膻中 巨闕主欬嗽

期門 右手屈臂中橫文外骨上主欬逆上氣

又云期門主喘逆臥不安

席欬脅下積聚

天府主上氣喘不得息

然谷 天泉 陷谷 胃堂 章門 曲泉 天突 雲門

肺輸 臨泣 肩井 風門 行間主欬逆

維道主欬逆不止

扶突主欬逆上氣咽中鳴咽

魄戶 中府主肺寒熱呼吸不得臥欬逆上氣嘔沫喘氣相

追逐

大包主大氣不得

肺輸 腎輸主喘欬少氣百病

小丘山房

卷九十一

五

喬氏世定刻行

或中 石門主欬逆上氣涎出多噦

天池主上氣喉鳴

天突 華蓋主欬逆上氣喘暴

紫宮 玉堂 大谿主欬逆上氣心煩

膻中 華蓋主短氣不得息不能言

輸府 神藏主欬逆上氣喘不得息

或中 雲門主欬逆上氣涎出多噦呼吸喘悸坐不安席

步即 安都主膈上不通呼吸少氣喘自心

氣戶 雲門 天府 神門主喘逆上氣呼吸肩息不知食

味

俠白主欬乾嘔煩滿

庫房 中府 周榮 尺澤主欬逆上氣呼吸多噦濁沫膿

血 又云中府主肺系急欬輒胃痛

少海主氣逆呼吸噫噦嘔

經渠 行間主喜欬 又云經渠主欬逆上氣喘掌中熱

大陵 少商主欬逆喘 又云大陵主欬逆身熱發

勞宮主氣逆噫不止

大泉主欬逆胃滿喘不得息

三里主欬嗽多噦

支溝主欬面赤而熱

肩輸主上氣 前谷主欬而胃滿

欬嗽曲澤出血立已又卒欬逆逆氣

小丘山房

卷九十一

十六

喬氏世定刻行

欬唾噫善欬氣無所出先取三里後取太白章門

賁豚氣

章門 石門 陰交主賁豚上氣

甲乙云賁豚腹腫章門主之賁豚氣上腹膜痛莖腫

先引腰後引小腹腰腹小腹堅痛下引陰中不得小便兩丸

塞石門主之賁豚氣上腹膜堅痛引陰中不得小便兩丸塞

陰交主之 關元主賁豚寒氣入小腹

期門主賁豚上下

歸來主賁豚卵上入引莖痛

中極主賁豚上捨心甚則不得息

甲乙云氣疝疝嘔面腫賁豚

天樞主賁豚脹疝

然谷主胃中寒脈代時不至寸口小腹脹上捨心

孫真人備急千金要方卷之九十一

隱十

孫真人備急千金要方卷之九十二

針灸孔穴方

四肢第三

手病

掖門主手臂痛 巨闕主手清

肩真主手酥小不舉

陰交主手脚拘攣

少商主手不仁 列缺主手臂身熱

大陵主手攣不伸

又云主手掣小偏

肉關主手中風熱

間使主手痛 曲澤主手青逆氣

中衝 勞宮 少衝 大泉 經渠

列缺主手掌熱肘中痛

前腋主臂裏掣急手不上舉

尺澤主掣痛手不可伸

神門 少海主手臂掣

養老主手不得上下

內庭主四厥手足悶

腕骨 中渚主五指掣不可屈伸

曲池主手不可舉重腕急肘中痛難屈伸又云主手不舉

陽谿主臂腕外側痛不舉

心輸 肝輸主筋急手相引

臂肘病

尺澤 闕衝 外關 竅陰主臂不及頭 前谷 後谿

陽谿主臂重痛肘掣 臑會 支溝 曲池 腕骨 肘窠

主肘節痺臂酸重腋急痛肘難屈伸

中脂輸 謫謫主腋掣

腕骨 前谷 曲池 陽谷主臂腕急腕外側痛脫如拔

天井 外關 曲池主臂痿不仁 大泉 經渠主臂

內廉痛 巨骨 前谷主臂不舉 肩窠 天宗 陽

谷主臂痛

曲池 闕衝 三里 中渚 陽谷

尺澤主肘痛時寒

又云關衝主肘疼不能自帶衣

魚際 靈道主肘攣柱滿

大陵主肘攣腋腫

間使主肘內廉痛

地五會 陽輔 申脉 委陽 天池 臨泣主腋不腫

有背病

氣舍主肩腫不得顧

曲池 天竅主肩重痛不舉

天井主肩痛痿痺不仁不可屈伸肉麻木

肩真 關衝 肩髃主肩中熱頭不可以顧

巨骨主肩中痛不能動搖

支溝 關衝主肩臂酸重

清冷泉 陽谷主肩不舉不得帶衣

天宗主肩重臂痛

肩外輪主肩甲痛而寒至肘

曲垣主肩甲周痺

後谿主肩臑痛 腕骨主肩臂痛

養老 天柱主肩痛欲折

涌泉主肩背頸項痛

前腋主肩腋前痛與膏相引

天曠 缺盆 神道 大杼 天突 水道 巨骨主肩背

痛

膈輸 譙譙 京門 尺澤主肩背寒瘕肩甲內廉痛
列缺主背寒慄少氣不足以息寒厥交兩手而驚凡實則肩
背熱背汗出四肢暴腫虛則有寒慄氣不足以息

腰脊病

神道 谷中 腰輸 長強 大杼 膈關 水分 脾輸

小腸輸 膀胱輸主腰脊急強 腰輸 膀胱輸 長強

氣衝 上窳 下窳 居膠主腰痛

志室 京門主腰痛脊急

小腸輸 中胞輸 白環輸主腰脊疝痛

次窳 胞育 承筋主腰脊痛惡寒又云次窳主腰

三里 陰市 陽輔 蠡溝主腰痛不可以顧又云陽輔主

中腫痛不可以欬欬則筋縮
急諸節痛上下無常寒熱

束骨 飛揚 承筋主腰痛如折

申脉 大衝 陽蹻主腰痛不能舉

崑崙主脊強背尻骨重

合陽主腰脊痛引腹

委中主腰痛俠脊至頭几几然凡腰脚重痛於此刺出血又

痼宿疹亦皆立已

大鍾主腰脊痛 委陽 殷門甲乙云腰痛
得使不得伸

太白 陰陵泉 行間主腰痛不可俯仰扶承主腰脊尻贅

股陰寒痛

涌泉主腰脊相引如解甲乙云腰痛
痛大便難

小丘山房

喬氏世定刻行

陰谷主脊內廉痛

附分主背痛引頭

膈關 秩邊 京骨主背惡寒痛脊強難以俯仰

京門甲乙云腰痛不可久立石闕主脊痠反折

脚病

崑崙主脚如結踝如別

陰陵泉主足痺痛

京骨 承山 承筋 商丘主脚攣又云承山承筋主脚脛酸脚急跟痛脚筋急痛

先乾

浮白主足緩不收

天柱 行間主足不任身又云行間至厥足下熱

然谷主足不能安脛酸不能久立

中都主足下熱脛寒不能久立濕痺不能行 衝陽

三里 僕參 飛揚 復留主元骨主足痿失履不收 僕參又云

主足跟中踝後痛又云飛揚主脛中痛又云復留主脛寒不能自溫主脚後廉急不可前脚足附上痛

京骨 然谷 腎輸主足痛

大谿 次窳 膀胱輸主足清不仁又云大谿主手足寒至節

地倉 大泉主足踈躄不能行

光明主痿躄坐不能起

風府 腰輸主足不仁

條口 三里 承山 承筋主足下熱不能久立

丘墟主腕不收坐不得起髀樞脚痛

小丘山房

喬氏世定刻行

陽輔 陽交 陽陵泉主髀樞膝骨痺不仁

環鈔 束骨 交信 陰交 陰舍主髀樞中痛不可舉

臨泣 三陰交主髀中痛不得行足外皮痛

申 隱白 行間主脛中寒熱

大衝 湧泉主脛酸

付陽主膈外廉骨痛

至陰主風寒從足小指起脉痺上下

至陽主脛疼四肢重少氣難言

厲兌 條口 三陰交主脛寒不得卧

內庭 環鈔主脛痛不可屈伸

陽間 環鈔 承筋主脛痺不仁

涌泉 然谷主五趾盡痛足不踐地

凡髀樞中痛不可舉以毫針寒而留之以月生死為息數立

已

膝病

風市主兩膝攣痛引脇拘急躄或青或焦或枯或蠶如腐

木木

大衝主膝內踝前痛

梁丘 曲泉 陽閔主筋攣膝不得屈伸不可以行

犢鼻主膝中痛不仁又云主膝不仁難跪 中封主少氣身重濕膝

腫內踝前痛 解谿 條口 丘墟

太白主膝股腫胛酸轉筋

小丘山房

喬氏世定刻行

合陽主膝股重 上廉主風水膝腫

陰市主膝上伏兔中寒

俠谿 陽關主膝外廉痛

髀關主膝寒不仁痿痺不得屈伸

光明主膝痛脛熱不能行手足偏小

膝關主膝內廉痛引賓不可屈伸連腹引喉咽痛

凡犢鼻腫可灸不可刺若其上堅勿攻攻之即死

四肢病

章門主四肢懈惰喜怒

列缺主四肢厥喜笑

曲泉 付陽 天池 大巨 支溝 小海 絕骨 前谷

主四肢不舉

照海主四肢淫瀼

五里 三陽絡 天井 厲兌 三間主嗜卧四肢不欲動

搖 復留 豐隆 大都主風逆四肢腫

風病

率谷主醉酒風熱發兩目眩痛甲乙云不能飲 完骨主

風頭耳後痛煩心甲乙云及足不收失履口

天柱主風眩 絕骨主風勞身重

天府 曲池 列缺 百會主惡風邪氣泣出喜忘 陽

谷主風眩驚手捲泄風汗出腰項急甲乙手捲

陰躄主風暴不知人偏枯不能行

解谿主風從頭至足面目赤

俠谿主脊中寒如風狀頭眩兩頰痛

崑崙主狂易大風

臨泣主大風痛甲乙云目外背痛

付陽主痿厥風頭重痛

涌泉主風入腹中

巨闕 照海主瘕瘕引臍腹短氣 又云照海主大風默默不知所痛視如見星

間使主頭身風熱

商陽主耳中風生

闕衝主面黑渴風 天井 神道 心輸主悲愁恍惚悲傷不樂 又云天井主大風默默不知所

痛悲傷不樂

命門主瘕瘕裏急腰腹相引

後谿主風身寒掖門主風寒熱

上関主瘕瘕沫出寒熱瘕引骨痛

中脘輸 長強 腎輸主寒熱反折

脾輸 膀胱輸主熱瘕引骨痛

肝輸主筋寒熱瘕筋急手相引 通理主不能言 魚際主瘕上氣失瘕不能言

濕痺

曲池 列缺主身濕搖時時寒

風市主緩縱痿痺喘腸疼冷不仁

小丘山房

喬氏世定刊行

中瀆主寒氣在肉分間痛苦痺不仁

陽關主膝外廉痛不可屈伸脛痺不仁

懸鍾主濕痺流腫髀筋急瘦脛痛

豐隆主身濕 曲泉主卒痺病引臑下節

陽陵泉主髀痺引膝股外廉痛不仁筋急

絕骨主髀樞痛脛膝骨挫酸痺不仁筋縮諸節酸折

漏谷主久濕痺不能行商丘主骨痺煩滿

中封主痿厥身體不仁少氣身濕重

臨泣主身痺洗浙振寒

凡身體不仁先取京骨後取中封絕骨皆瀉之

癩疾

偏歷 神庭 攢竹 本神 聽宮 上星 百會 聽會

築賓 陽谿 後頂 強間 腦戶 絡却 玉枕主癩疾

嘔逆 又云偏歷主癩疾 多言耳鳴口僻 攢竹 小海 後頂 強間

主癩發癩癢狂走不得卧心中煩

金門 僕參主癩疾馬癩

兌端 斷交 承漿 大迎 絲竹空 息會 天柱

商丘主癩疾嘔沫寒熱瘧互引 又云承漿大迎主寒熱捷厥 鼓頷癩瘧口噤又云天柱主

卒暴癩眩商 丘主癩瘵 上関主瘰癧沫出寒熱瘧 絲竹空

通谷主風癩癩疾涎沫狂煩滿 又云通谷主心中憤憤數 欠癩心下悸咽中澹澹恐

解谿 陽蹻主癩疾 腦戶 聽會 風府 聽宮 翳風

主骨痠眩狂癩瘰口噤喉鳴沫出瘡不能言

小丘山房

喬氏世定刻行

臑會 申脉主癩疾腠氣

五處 身柱 委中 委陽 崑崙主春強友折瘕癩癩疾

頭痛 又云身柱主癩疾瘕癩怒欲殺人身熱強走

尺澤 然谷主癩疾手臂不得上頭

列缺主熱癩驚而有所見

曲池 少澤主瘰癧癩疾

飛揚 太乙 滑肉門主癩疾狂吐舌

長強主癩疾發如狂面皮敦敦者不治

温留 僕參主癩疾吐舌鼓頷狂言見鬼筋縮 曲骨

陰谷 行間主驚癎狂走癩疾 間使主善悲驚狂面赤

目黃瘡不能言 陽谿 天井主驚瘕 完骨主癩疾僵仆

狂癩

天井 小海主癩疾羊癩吐舌羊鳴疾頸懸壘 束骨主癩

疾互引善驚羊鳴

天衝主頭痛癩疾互引數驚悸

風池 聽會 復留主寒熱癩仆

風府 崑崙 束骨主狂易多言不休

腦空 束骨主癩疾大瘦頭痛

風府 肺輸王狂走欲自殺

膈却 聽會 身柱主狂走瘕

天柱 臨泣主狂易多言不休目上反

支正 魚際 合谷 少海 曲池

胛骨主狂言驚恐

温留 掖門 京骨主狂仆又云掖門主事

神門 陽谷主笑若狂又云神門主教

陽谿 陽谷主吐舌戾頸妄言

巨闕 築賓主狂易妄言怒罵又云巨闕主驚悸少氣

衝陽 皇隆主狂妄行登高而歌棄衣而走 下廉 丘

墟主狂言非常 陰蹻主臥驚視如見鬼勞官 太陵工

風熱善怒心中悲喜思慕歎歎善笑不止 曲澤 太陵主

心下澹澹喜驚申乙作 陰交 氣海 大巨主驚不得

臥又云大巨 王善驚

大鍾 郄門主驚恐畏人神氣不足 然谷 陽陵泉主

心中怵惕恐如人將取之 解谿主瘕瘕而驚

少衝主大息煩滿少氣悲驚

少府主數噫恐悸氣不足

行間主心痛數驚心悲不樂

三間 合谷 厲兌主吐舌戾頸喜驚又云厲兌主多臥好驚

通里主心下悸

手少陰 陰郄主氣驚心痛

後谿主泣出而驚

腕骨主煩滿驚

卒尸厥

隱白 大敦主卒尸厥不知人脉動如故中極 僕參主恍

惚尸厥煩痛

少丘山房

卷之二十一

十一

喬氏世定刻行

金門主尸厥暴死

內庭三四肢手足悶者久特之厥熱腦痛腹脹皮痛者使人久特之

邪客於手足少陰太陰足陽明之絡此五絡者皆會於耳中上絡左角五絡俱竭令人身脉動如故其形無所知其狀若尸刺足大趾內側爪甲上去端如韭葉後刺足心後取足中趾爪甲上各一痛後取手大指之內去爪甲如韭葉後刺手心主少陰兌骨之端各一痛立已不已以筒吹其兩耳立已不已按其左角髮方寸燔治飲以醇酒一杯不能飲者灌之立已

卒中惡

百會 玉枕主卒起僵仆惡見風寒

通天 腦却主暫起僵仆

大杼主僵仆不能久立煩滿裏急身不安席

飛屍遁注

天府主卒中惡風邪氣飛尸惡注鬼語遁尸 豐隆

主厥逆足卒青痛如刺腹若刀切之狀大便難煩心狂見鬼好笑面四肢卒腫

旁廷在腋下四肋間高下正與乳相當乳後二寸陷中俗名注市舉掖取之刺入五分灸五十壯主卒中惡飛尸遁注膏脇滿九曲中府在旁廷注市下三寸刺入五分灸三十壯主惡風和氣遁尸內有瘀血

孫真人備急千金要方卷之九十二

孫真人備急千金要方卷之九十三

隱十一

宋朝奉即太常少卿充秘閣校理林億等校正

針灸孔穴方

熱病第五

熱病

魚際 陽谷主熱病振慄鼓頷腹滿陰痿色不變

經渠 陽池 合谷 支溝 前谷 內庭 後谿 腕骨

陽谷 厲兌 衝陽 解谿主熱病汗不出

孔最主臂厥熱痛汗不出皆灸刺之此穴可以出汗 列缺

曲池主熱病煩心心悶先手臂身熱瘰癧瘡口聚鼻張目下

汗出如珠甲乙云兩乳下一寸堅脇下滿悸

小丘山房

喬氏世定刻行

中衝 勞宮 大陵 間使 關衝 少衝 陽谿 天竅

主熱病煩心心悶而汗不出掌中熱心痛身熱如火浸淫煩

滿舌本痛又云間使主熱病煩心喜

勞宮主熱病三日已往不得汗怵惕甲乙云主熱病煩滿而

汗怵惕骨脇不可逆噫不止噎中痛食不下喜渴舌中爛掌中熱欬嘔

三間主氣熱身熱喘甲乙云寒熱口乾身曲澤主傷寒溫病

身熱煩心口乾甲乙云心澹然善驚身熱煩心口乾手清逆

溫病曲澤主之曲池主傷寒餘熱不盡掖門中渚通理

主熱病先不樂頭痛面熱無汗又云通理主熱

承漿主汗出衄血不止

溫留主傷寒熱頭痛噦衄肩不舉

上管 曲差 上星 陶道 天柱 上竅 懸釐 風池

命門 膀胱輸主煩滿汗不出 飛揚主下部寒熱汗不

出體重 五處 攢竹 正管 上管 缺盆 中府

主汗出寒熱

巨闕主煩心喜嘔甲乙云心腹脹噫煩

百會主汗出而嘔痊

商丘主寒熱好嘔

懸顛主熱病頭痛身熱

少澤主振寒小指不用頭痛

玉枕 大杼 肝輸 心輸 膈輸

陶道主汗不出悽厥惡寒

小丘山房

喬氏世定刻行

大椎主傷寒熱盛煩嘔

懸釐 鳩尾主熱病偏頭痛引目外皆 膈輸 中府主寒

熱皮肉骨痛少氣不得臥支滿又云膈輸主嗜臥怠惰不

列缺主寒熱掌中熱

神道 闕元主身熱頭痛進退往來

曲泉主身熱頭痛汗不出

三臑輸主頭痛食不下

魚際主頭痛不甚汗出

天井主振寒頭項痛

腎輸主頭身熱赤振慄腰中四肢淫灑欬嘔

闕衝主寒熱悽索氣上不得臥 尺澤主氣隔喜嘔欬領不

得汗煩心身痛

肩貞主寒熱項歷適甲乙云耳鳴無聞引缺

主熱病俠脊痛 衝陽主振寒而欠

大都主熱病汗出且厥足清外臺云汗不出厥手足清 太白主熱病先頭

重頰痛煩悶心身熱熱爭則腰痛不可以俛仰又熱病滿悶

不得臥身重骨痛不相知

支正 少海主熱病先腰脛酸喜渴數飲食身熱項痛而強

振寒寒熱甲乙云主振寒寒熱項腫實則

後谿主身熱惡寒

光明主腹足清寒熱汗不出

復留主寒熱無所安汗出不止風逆四肢腫

凡熱病煩心足寒清多汗先取然谷後取大谿大指間動脈皆先補之

熱病先腰脛酸喜渴飲身清清則項痛而寒且酸足熱不

欬言頭痛顛顛然先取涌泉及太陽并榮熱中少氣厥寒灸

之熱去灸涌泉三壯煩心不嗜食灸涌泉熱去四逆喘氣偏

風身汗而清皆取俠谿

凡熱病刺陷谷足先寒寒上至膝乃出針身痺先浙振寒季

脇支滿痛

凡溫病身熱五日已上汗不出刺大泉留針一時取針若未

滿五日者禁不可刺

凡好太息不嗜食多寒熱汗出病至則喜嘔嘔已乃衰即取

公孫及井輪實則腸中切痛厥頭面腫起狂心狂多飲不嗜
臥虛則鼓脹腹中氣大滿熱痛不嗜食霍亂公孫主之

黃疸

然谷主黃疸一足寒一足熱喜渴甲乙云舌章門主傷飽身

太衝主黃疸熱中喜渴

中封 五里主身黃時有微熱甲乙云不嗜食膝內廉

脊中主黃疸腹滿不能食 中管 大陵主目黃振

寒 勞宮主黃疸目黃 大谿主黃疸甲乙云消

走喉咽而不能言手足清大便難 脾輸 胃管主黃疸又

噎中腫痛唾血口中熱垂如膠 脾輸黃疸喜欠不下食主

霍亂

小丘山房

喬氏世定刻行

巨闕 関衝 支溝 公孫 陰陵泉主霍亂 期

門主霍亂泄注

魚際主胃逆霍亂

太陰 大都 金門 僕參主厥逆霍亂太白主霍亂逆氣

解谿主膝重脚轉筋濕痺

三里主霍亂遺屎失氣

承筋主癭瘕脚酸甲乙云霍亂脛不仁

大泉主眼青轉筋乍寒乍熱缺盆 相引痛 金門

僕參 承山 承筋主轉筋霍亂

丘墟主脚急腫痛戰掉不能久立附筋足攣 竅陰

主四肢轉筋

委中 委陽主筋急身熱

人迎主凡霍亂頭痛膏滿呼吸喘鳴窮窘不得息

凡霍亂泄出不自知先取大谿後取太倉之原

瘡病

列缺 後谿 少澤 前谷主瘡寒熱又云列缺主瘡甚熱 陽谷

主瘡脇痛不得息太鍾主多寒少熱

太谿主熱多寒少甲乙云瘡悶嘔甚熱多寒少 丘墟主瘡振

寒甲乙云振下腫

中封主色蒼蒼然大息振寒

崑崙主瘡多汗甲乙云腰痛不能俛仰目如脫項如拔

臨泣主瘡日西發

小丘山房

喬氏世定刻行

然谷主溫瘧汗出

天府主瘧病

天樞主瘧振寒熱盛狂言

少

海主瘧背振寒

甲乙云項痛引肘掖腰痛引小腹中四肢不舉

少商主振慄鼓頷

陽谿主瘧甚苦寒欬嘔沫

商丘 神庭

上星

百會

完骨

風池

神道

掖門

前谷

光明

至陰

大杼主瘧瘧熱

又云商丘主瘧瘧腹中痛

陰都

少海

商陽

三間

中渚主身熱瘧病

太泉

太谿

經渠主瘧瘧逆心悶不得臥寒熱

大陵

腕骨

陽谷

少衝主瘧乍寒乍熱

合谷

陽池

俠谿

京骨主瘧寒熱

偏懸主風瘧汗不出

諶諶

支正

少海主風瘧

天井主瘧食時發心痛悲傷不樂

三里

陷谷

俠谿

飛揚主瘧瘧少氣

又云俠谿主瘧足痛飛揚主在瘧頭

眩痛症及折

溫留主瘧面赤腫

少澤

復留

崑崙主瘧寒汗不出

厲兌

內庭主瘧不嗜食惡寒

衝陽

東骨主瘧從脚肘起

又云衝陽主瘧先甚久而熱熱去汗出

瘦瘤第六

瘦瘤

天府

臑會

氣舍主瘦瘤氣咽腫

甲乙天府作天窻

腦戶

小丘山房

喬氏世定刻行

通天 消樂 天突主頸有大氣

通天主癭灸五十壯骨堂羊屎灸一壯百

痔瘻

飛揚主痔篡傷痛

絕骨主瘻馬刀拔腫

大突 章門 天池 支溝主漏 又云支溝章門主馬刀腫瘻 商丘

復留主痔血泄後重 又云商丘主痔骨蝕喜魘夢

大迎 五里 臂臑主寒熱頸癭瘰

天突 天窻主漏頸痛

勞宮主熱痔 會陰主痔與陰相通者死 俠谿 委中

陽輔 大衝主掖下腫馬刀瘻 承筋 承扶

陽谷主痔痛腋腫

竅陰主癰疽頭痛如錐刺不可以動動則煩心 大陵

支溝 陽谷 後谿主痂疥

癩疔

曲泉主癩疔陰跳痛引臍中不尿陰痿 去痛引莖中不得尿

中都主癩疔崩中

中管主衝疔胃死不知人

合陽 中郤主癩疔崩中腹上下痛腸澀陰暴敗痛

照海主四肢淫灑身悶陰蒸起疔 大谿主胞中有大

疔瘕積聚與陰相引 商丘主陰股內痛氣癰狐疔走

上下引小腹痛不可以俛仰

小丘山房

喬氏世定刻行

關元主癩疝又云主暴疝痛

巨闕主狐疝 肩井傍肩解與臂相接處主偏癩

臍中 石門 天樞 氣海主小腹疝氣遊行五藏

臍衝胃不得息甲乙云臍疝繞臍痛衝胃不得息灸臍中臍疝繞臍痛石門主之臍疝繞臍痛時主天樞

之主

四滿主臍下疝積甲乙云胞中有血

大敦主卒疝暴痛陰跳上入腹寒疝陰挺出偏大腫臍腹中

悒悒不樂小便難而痛灸刺之立已左取右右取左甲乙云照海注之

大陰却 衝門主疝痔陰疝

天樞主氣疝嘔 大巨主癩疝偏枯

交信主氣痿癩疝陰急股樞膊內廉痛

中封主癩疝癢暴痛痿厥身体不仁

氣衝主癩陰腫痛陰痿壅中痛兩丸騫痛不可仰臥

少府主陰痛實時挺長寒熱陰暴痛遺尿偏虛則暴癢氣逆

卒疝小便不利 大赫 然谷主精溢陰上縮 陰市

主寒疝下至腹膝腰腰痛如清水小一作大腹諸痛按之下至

膝上伏兔中寒疝痛腹脹滿痿少氣

大衝 中封 地機主癩疝精不足又云大衝主孤疝嘔厥 中極

主失精

魚際主陰濕腹中餘疾

五樞主陰疝兩丸上下腹痛

陰交 石門主兩丸騫又云石門主腹滿疝積

大衝主兩丸騫縮腹堅不得臥甲乙云環臍痛陰騫兩丸

會陰主陰頭寒

行門主莖中痛 陰谷主陰痿不用小腹急引陰內廉痛

雜病第七 論首

膏肓輸無所不治主羸瘦虛損夢中失精上氣欬逆狂惑忘誤
取穴法令人正坐曲脊伸兩手以臂著膝前令正直手大指與
膝頭齊以物支肘勿令臂得動搖從脾骨上角摸索至脾骨下
頭其間當有四肋三間灸中間依脾骨之裏肋間空去脾骨容
側指許摩脂肉之表肋間空處按之自覺 引胃戶中灸兩脾
中各一處至六日壯多至千壯當覺氣下蟬龍若然如流水狀亦
富有所下出若無停痰宿疾則無所下也若病人已困不能正

坐當令側臥挽上臂令前求取穴灸之也求穴大較以右手從
右肩上拄拈頭表所不及者是也左手亦然乃以前法灸之若
不能久正坐當伸兩臂者亦可伏衣樸上伸兩臂令人挽及脾
骨使相離不爾脾骨覆穴不可得也所伏衣樸當令大小

爾則失其穴也此灸訖後令人陽氣 消息以自補養

取身體平復其穴近第 椎相準望取之

論曰昔秦緩不灸晉侯之疾以其在膏之上育之下針藥所不
及 此穴是也時人拙不能求得此穴所以宿癢難遣若能
心方便求得灸之无疾不愈矣

孫真人備急千金要方卷之九十三

金匱要略卷之九十三

九



程